

HINDUSTANI ACADEMY

अलंकार ग्रंथ

Hindi Section

Library No. 2866

Date of Receipt. 23/12/27

शिवराजभूषण

(भूषणकविकृत)

संग्रहकर्ता

परमानन्द सुहाने

लखनऊ

केसरीदास सेठ द्वारा

नवलकिशोर प्रेस में मुद्रित और प्रकाशित

सन १९२१ ई०

तीसरीबार

सर्वाधिकार रक्षित हैं ।

1. The first part of the paper is devoted to the study of the properties of the function $f(x)$ defined by the equation

कवि का परिचय ।

इस शिवराजभूषण ग्रन्थ से विदित होता है कि भूषण कवि के पिता का नाम रत्नाकर था और कश्यप गौत्री कनौजिया ब्राह्मण यमुनानदी के किनारे त्रिविक्रमपुर (सांप्रत टिकमापुर) जिला कानपुर के निवासी थे और भी अनेक ग्रन्थों से मालूम होता है कि इनके पिता नित्य देवीजी के स्थान पर दुर्गापाठ करने जाते थे (देवीजी का स्थान इनके गांवसे एक मील के अन्तर पर था) एक दिन श्री भगवती प्रसन्न होकर चार भक्तों के मुण्ड दिखाकर बोलीं यही चारों तेरे पुत्र होंगे निदान ऐसाही हुआ कि, चिन्तामणि, भूषण, मतिराम और जटाशंकर उपनाम नीलकण्ठ ये चार पुत्र उत्पन्न हुये इनमें केवल नीलकण्ठ महाराज तो एक सिद्ध के आशीर्वाद से कविहुये शेष तीनों भाई संस्कृत काव्य को पढ़ ऐसे पंडित हुये कि इनका नाम प्रलयतक बना रहेगा इन्हीं के वंश में शीतल और बिहारीलाल कवि जिनका लालभोग है संवत् १६०१ तक विद्यमान थे । इन चारों भाइयों का जन्म समय किसी ग्रन्थ से ठीक ठीक निश्चय नहीं होता इससे मैंने यहां नहीं लिखा ॥

भूषणकवि प्रथम राजा छत्रशाल पन्नानरेश के यहाँ छःमहीने तक रहे तिस पीछे महाराज शिवाजी सुलंकी सितारे गढ़वाले के यहाँ जाय बड़ा मानपाया और अपनी काव्य माधुर्यता से उस महाराज का मन रंजन कर जब यह कवित्त पढ़ा (इन्द्र जिमि जंभ पर बाड़व सुअंभपर रावण सुदंभ पर रघुकुल राज हैं । पौन वारि-बाह पर शंभु रतिनाह पर त्यों सहस्रबाह पर रामद्विज-राज हैं ॥ दावा द्रुम हुंडपर चित्ता मृग भुंडपर भूषण वितुंड पर जैसे मृगराज हैं । तेजतिमि रंसपर कान्ह जिमि कंसपर त्यों मलेच्छवंस पर शेर शिवराज हैं) इसके सुनतेही शिवराज ने पांच हाथी और पच्चीस हज़ार रुपया ईनाम दिया, इसप्रकार से भूषण जी ने बहुत बार द्रव्य हाथी घोड़े पालकी आदि दान में पाये इन्होंने ऐसे ऐसे शिवराज के कवित्त बनाये कि जिनकी बराबर किसी कवि ने वीर यश नहीं बना पाया । जैसे इनकी काव्य में रौद्र, वीर, भयानक, उपमा, अर्थ गौरव, पदलालित्य और अलंकार का आदर्श होता है वैसे और कवि लोगों की काव्य में नहीं पाया जाता, न कवि की वीर रस पूरित ऐसी कविता है कि जिसको बाँचने से नपुंसक को भी शूरत्व आये बिना नहीं रहता ऐसे प्रतापी कवि के कवित्त की बराबरी आजतक भाषा काव्य में किसी कवि ने नहीं की निदान जब भूषणजी अपने घर को लौटे तब पन्ना आकर राजा छत्रशाल से

मिले । राजा छत्रशाल ने विचारा कि अब तो शिवराज ने इनको ऐसा धन धान्य दिया है कि हम उसका दशवां भाग भी नहीं देसकते ऐसा सोचकर चलते समय भूषणजी की पालकी का बांस अपने कंधेपर धर लिया । ब्राह्मण कोमल हृदय तो होतेहीहैं भूषणजी बहुत प्रसन्न हो यह कवित्त पढ़ा (राजत अखण्ड तेज छाजत सुयश बड़ो गाजत गयन्द दिग्गजनि हिये शालको । जाहि के प्रताप सों मलीन आफताब होत ताप तजि दुर्जन करत बहुख्यालको ॥ साजि सजि गजतुरी कोतल कतार दीन्हे भूषणभनत ऐसो दीन प्रतिपालको । और राजा रावमन एकहु न ल्याऊँ अब साहिको सराहौं कि सराहौं छत्रशाल को) और दूसरा यह कवित्त कहा (भुज भुजगेश के वै संगिनी भुजंगिनी सी खेदि खेदि खाती देह दारुण दलन के । बखतर पाखरनि बीच धँसि जात मीन पैरि-पार जात परवाह ज्यों जलन के ॥ रैया राव चंपति के छत्रशाल महाराज भूषण सकत को बखानि यों बलन के । पच्छी परछीने ऐसे परे परछीने वीर तेरी बरछीने बरछीने हैं खलन के) और यह दो दोहा बनाय राजा को दे आप घर को आये (इक हाड़ा बूँदी धनी मरद महेबावाल । शालत नौरँगजेब के ये दोनों छत्रशाल १॥ ये देखा छत्ता पता ये देखा छत्रशाल । ये दिल्ली की ढाल ये दिल्ली ढाहनवाल) थोड़े दिन भूषणजी घर में रह फिर बहुत देशान्तरों में घम घम रजवाड़ों में शिवराज

का यश प्रकट करते रहे । पश्चात् इन्होंने विचारा कि शिवराज का यश कमाऊं के पहाड़ तक फैला है या नहीं यह देखने के लिये आप कमाऊं में जाय राजा कमाऊं के यश में यह कवित्त पढ़ा (उलदत मद अनुमद ज्यों जलधि जल बलहद भीमकद काहू के न आहके । प्रबल प्रचण्ड गण्ड मण्डित मधुप वृन्द बिन्द से बिलिन्द सिंधु सातहुके थाह के ॥ भूषण भनत भुलि भम्पति, भूपान भुकी भुकत भुकत भररात रथ हाल के । मेघ से घमण्डित मजेजदार तेजपुंज गुंजत सो कुंजर कमाऊं नरनाथ के) यह सुन राजा ने सोचा कि कविजी कुछ दान लेना चाहते हैं और हमने जो सुना था कि शिवराज ने इन्हीं को लाखों रुपया दिया है सो सब भूठ है ऐसा विचारकर, हाथी घोड़े और बहुत सा द्रव्य भूषणजी के आगे किया तब भूषणजी ने कहा कि अब इसकी हम को भूख नहीं है हमतो इसलिये यहां आये थे कि देखें शिवराज का यश यहां तक फैला है या नहीं सो उनका यश यहां तक फैला देख हम बहुत प्रसन्न हुये, ऐसा कह राजा से विदा हो कविराज अपने घरको आये इनके बनाये हुये ये चार ग्रन्थ सुने जाते हैं शिवराज भूषण, भूषण हजारा, भूषण उल्लास, दूषण उल्लास परन्तु इन चार ग्रन्थों में से तीनका तो पताही नहीं लगता चौथा यह “ शिवराजभूषण ” महान परिश्रम और द्रव्य खर्च से प्राप्त हुआ है इस ग्रन्थ को कवि ने

संवत् १७३० में श्रीमन्महाराज शिवाजी राव सुलंकी सितारे गढ़वाले का वीर यश वर्णन करके रचा था परन्तु आज २२० वर्ष इस ग्रन्थ को बने होगये लेकिन किसी महाशय ने आजतक इसको प्रकाशित न किया अब मैं सर्व काव्य रसिकों के निमित्त इस ग्रन्थको शुद्धतापूर्वक प्रकाशित कराता हूं और मैं उन महाशयों से क्षमा मांगता हूं कि जो प्राचीन काव्यके न छपवाने में अहर्निश तत्पर रहते हैं और छपी हुई पुस्तक देखकर प्रकाशक को अनेकों दुर्वचन कह उठते हैं ॥

आपका कृपाभिलाषी

संग्रहकर्ता

शिवराजभूषण का सूचीपत्र ॥

विषय	पृष्ठ पंक्ति नं०	विषय	पृष्ठ पंक्ति नं०
१ उपोद्घात	१ २ १३	१७ आतापहनुति व०	१५ ६ ४६
२ राजगद्ग वर्णन	३ १० २७	१८ छेकापहनुति व०	१६ ३ ४८
—:—		१९ कैतवापहनुति व०	१६ ८ ५२
प्रथारंभ	६ ६	२० उत्प्रेक्षा व०	१७ १ ५६
१ उपमा वर्णन	६ ७ ५	२१ उत्प्रेक्षाग निगुपति	१८ १२ ६२
२ अनन्वय वर्णन	७ ६ ७	२२ रूपकातिशयोक्ति	१६ ३ ६४
३ प्रतीप वर्णन	७ १७ १२	२३ भेदकातिशयोक्ति	१६ १३ ६६
४ उपमेयोपमा व०	८ १६ १४	२४ अकमातिशयोक्ति	२० १ ६८
५ मालोपमा व०	६ ३ १६	२५ चंचलातिश-	
६ ललितोपमा व०	६ १३ १६	योक्ति	२० ११ ७०
७ रूपक वर्णन	१० ४ २३	२६ अत्यन्तातिश-	
८ रूपकभेद व०	११ ६ २६	योक्ति	२० १६ ७३
९ परिणाम व०	१२ १ २८	२७ सामान्य विशेष व०	२१ ७ ७५
१० उल्लेख व०	१२ ६ ३१	२८ तुल्ययोगिता व०	२१ १२ ७८
११ स्मृति व०	१३ ३ ३३	२९ दीपक व०	२२ २ ८०
१२ भ्रम वर्णन	१३ १३ ३५	३० आवृत्तदीपक व०	२२ १० ८३
१३ सन्देह व०	१४ १ ३७	३१ प्रतिवस्तूपमा व०	२३ ६ ८५
१४ अपहनुति व०	१४ १० ३६	३२ हृष्टान्त व०	२३ १३ ८८
१५ हेत्वपहनुति व०	१४ २० ४१	३३ निदर्शना व०	२३ २१ ९२
१६ पर्यस्तापहनुति		३४ व्यतिरेक व०	२४ १२ ९४
वर्णन	१५ ४ ४३	३५ सहोक्ति व०	२५ १ ९६

विषय	पृष्ठ	पंक्ति नं०
३६ विनोक्ति व०	२५	१० ६६
३७ समासोक्ति व०	२५	२० १०२
३८ परिकरि और		
परिकरांकुर	२६	७ १०६
३९ श्लेष व०	२६	२१ १०६
४० अप्रस्तुत प्रशंसा		
वर्णन	२७	१६ ११२
४१ पर्यायोक्ति व०	२८	२ ११४
४२ व्याजस्तुति व०	२८	११ ११७
४३ आक्षेप व०	२९	६ ११९
४४ विरोध व०	२९	१४ १२१
४५ विरोधाभास व०	३०	१ १२३
४६ विभावना व०	३०	६ १२६
४७ द्वितीय विभा-		
वना	३०	१६ १२८
४८ असंभव व०	३१	३ १३१
४९ असंगति व०	३१	१५ १३३
५० विषम व०	३२	४ १३६
५१ सम वर्णन	३२	१६ १३९
५२ विचित्र व०	३३	७ १४१
५३ प्रहर्षण व०	३३	१२ १४३
५४ विषादन व०	३३	२१ १४६
५५ अधिक व०	३४	१० १४८
५६ अन्योन्य व०	३४	१५ १५०
५७ विशेष व०	३५	२ १५२

विषय	पृष्ठ	पंक्ति नं०
५८ व्याघात व०	३५	७ १५४
५९ गुंफ व०	३५	१४ १५७
६० एकावली व०	३६	४ १५९
६१ माला दीपक		
और सार	३६	११ १६२
६२ यथासंख्य व०	३७	६ १६४
६३ पर्याय व०	३७	१६ १६७
६४ परिवृत्ति व०	३८	६ १६९
६५ परिसंख्य व०	३८	१६ १७१
६६ विकल्प व०	३९	५ १७४
६७ समाधि व०	३९	१८ १७६
६८ समुच्चय व०	४०	६ १८०
६९ प्रत्यनीक व०	४१	१ १८२
७० अर्थापत्ति व०	४१	६ १८४
७१ काव्यलिङ्ग व०	४१	१८ १८६
७२ अर्थान्तर न्यास		
वर्णन	४२	७ १८८
७३ प्रौढोक्ति व०	४२	१५ १९०
७४ संभावना व०	४३	४ १९२
७५ मिथ्याध्यव-		
सिति व०	४३	१३ १९४
७६ उल्लास व०	४३	१८ १९६
७७ दोषेणगुणोयथा	४४	५ १९७
७८ गुणेनगुणोयथा	४४	१२ १९८
७९ दोषेणदोषोयथा	४४	१४ १९९

विषय	पृष्ठ पंक्ति नं०	विषय	पृष्ठ पंक्ति नं०
८० अवज्ञा व०	४४ १६ २०१	६६ भाविक व०	५२ ६ २४६
८१ अनुज्ञा व०	४५ ४ २०३	६७ भाविकछक्ति व०	५३ ११ २४८
८२ लेश व०	४५ १३ २०६	६८ उदात्त वर्णन	५३ १६ २५१
८३ तद्गुण व०	४५ २० २०८	६९ अत्युक्ति व०	५४ ११ २५५
८४ पूर्वरूप व०	४६ ८ २१३	१०० निरुक्ति व०	५५ ६ २५७
८५ अतद्गुण व०	४७ १० २१७	१०१ हेतु वर्णन	५५ १४ २५६
८६ मीलित व०	४८ ६ २१६	१०२ अनुमान व०	५६ २ २६१
८७ उन्मीलित व०	४८ १५ २२१	१०३ छेक औलाटानु-	
८८ सामान्य व०	४८ २० २२३	प्राप्त	५६ १२ २६८
८९ विशेषक व०	४९ ६ २२५	१०४ जमकवर्णन	५८ ८ २७०
९० पिहित व०	४९ १६ २२८	१०५ पुनरुक्त वदा-	
९१ प्रश्नोत्तर व०	५० २ २३१	भास	५८ १७ २७२
९२ व्याजोक्ति व०	५० १३ २३४	१०६ कामधेनुचित्रव०	५९ ६ २७४
९३ लोकोक्ति व छे-		१०७ संकरव०	५९ १४ २७६
कोक्ति	५१ २ २३७	१०८ ग्रन्थसूची	६० ३ १८
९४ वक्रोक्ति व०	५१ ६ २४०	१०९ ग्रंथरचनाकाल	६१ १६ १
९५ स्वभावोक्ति व०	५१ २१ २४३	११० उपसंहार	६२ १ १

इति शिवराजभूषण का सूचीपत्र सम्पूर्णम् ॥



शिवराजभूषण ॥

—:—

उपोद्घातछप्पे ॥ जय जयति जय आदि शक्ति
जय कालि कपर्दिनि । जय मधुकैटभ छलनि
देवि जय महिषविमर्दिनि ॥ जयचमुण्ड जय
चण्ड मुण्ड भण्डासुर खण्डिनि । जय सुरक्त
जय रक्तबीज बिण्डाल बिहण्डिनि ॥ जय निशुंभ
शुंभदलनि भनि भूषण जयजय भननि । सरजा
समर्थ शिवराज कहँ देहिविजय जयजग-
जननि १ ॥ दोहा ॥ तरणि जगत जलनिधि तरणि
जैजै आनँद ओक । कोक कोक नद शोकहर
लोक लोक आलोक २ राजत है दिनराजको
वंश अविनि अवतंश । जामें पुनि पुनि अवतरे
कंस मगध विधव्यंश २ महावीर ना नंगामें भजो

एक अवनशीश । लियो विरद सीसौदिया दियो
 ईशको शीश ४ ता कुलमें नृपचन्द सब उपजे
 बखत बुलंद । भूमिपाल तिन में भयो बड़ो
 भाल मकरन्द ५ सदा दान किरवानमें जाके आ-
 ननअम्भ । साहिनिजाम सखा भयो दुर्ग देव
 गिरिखम्भ ६ याते सरजा विरदभो शोभित
 सिंह प्रमान । रनभूसिला सुभौसिला आयुष-
 मान सुमान ७ भूषण भनि ताके भयो भुव भू-
 षण नृपसाहि । रात्यो दिन शंकित रहैं साहि
 सबै जगमाहिं ८ ॥ कवित्त ॥ एतेहार्थी दियेभाल
 मकरन्दजूके नन्द जेते गनि सकति विरंचिहू
 की न तिया । भूषण भनत जाकी साहिबी सभाके
 देखे लागैं और सब छितिपाल छितिमें छिया ॥
 साहस अपार हिंदवानको आधार धीर सकल-
 सिसौदिया सपूत कुलको दिया । जाहिर जहा-
 न भयो साहिजू खुमानवीर साहिनको शरण
 सिपाहिनको तकिया ९ ॥ दोहा ॥ दशरथके जो
 रामभो श्रीबसुदेव गोपाल । सोई प्रगट्यो साहिके
 श्री शिवराज भुवाल १० उदित होत शिवराज
 के मुदित भये द्विजदेव । कलियुग हट्यो मि-
 ट्यो सकल म्लेच्छनिको अहमेव ११ ॥ कवित्त ॥

जादिन जन्म लीन्हों भूपर भूसिलाभूप ताही
 ादन जीत्यो अरिउरके उखाहको । छठी छत्र
 पतिन को जीत्यो भाग अनायास जीत्यो नाम
 करन में करन प्रवाहको ॥ भूषण भनत बाल
 लीलागढ़कोट जीते साहिके शिवाजी करित्यों
 हूं चक्र चाहको । गोलकुण्डा बीजापुर जीत्यो
 लरिकाइहिं में जवानी आये जीत्यो दिल्लीपति
 पादशाहको १२ ॥ दोहा ॥ दक्षिणके सब दुर्गाजि
 ति दुर्गसाह इबिलास । शिवसेवक शिवगढ़पती
 कियो राजगढ़वास १३ ॥ राजगढ़वरुन सबैया ॥
 जापर साहितनै शिवराज सुरेशकी ऐसी सभा
 शुभ साजै । यों कवि भूषण जंपति है लखि सं-
 पतिको अलकापति लाजै ॥ तामधि तीनिहूं
 लोककी दीपति ऐसो बड़ो गढ़राज बिराजै ।
 वारि पतालसी माचीमही अमरावतिकी छवि
 ऊपर छाजै १४ ॥ हरिगीतिकाछन्द ॥ मणिमयमहल
 शिवराजके इमि राजगढ़में राजहीं । लखियक्ष
 किन्नर सुर असुर गंधर्व हौसनि साजहीं ॥ उ-
 त्तंग मरकत मंदिरन माधि बहु मृदंग यों बाज
 हैं । घन समरमानहुं घुमड़िकरि घनघन पटल
 राज राजहीं ॥ राजगढ़पती भानुपति मिलि

मणि लाल छजा छाजहीं । संध्या समय मा-
 नहुं नखत गन लाल अम्बर राजहीं ॥ जहाँ
 तहाँ ऊँरध उठे हीरा किरण समुदाय है । मानौ
 गगन तम्बू तन्यो ताके सपेत तनायहै ॥ भूषण
 भनतजहँ परसिकै मणि पुहुपरागनकी प्रभा । प्रभु
 पीतपटकी प्रगटपावत सिन्धु मेघनकी सभा ॥
 मुख नागरिनके राजहीं कहूँ फटिक महलन
 संगमें । लसै अमल कोमल मानहुँ गगन गंग
 तरंगमें ॥ आनंद सों सुन्दरिनके कहूँ इन्दु ब-
 दन उदोतहै । नभ सरितके प्रफुलित कुमुद
 कलित कमल कुल होतहै ॥ कहूँ बावली सर-
 कूप राजत बद्धमणि सोपान है । जहँ हंससारस
 चक्रवाक विहार करत गुमानहै ॥ कितहुं वि-
 शाल प्रवाल जालनि जटित अंगन भूमि है ।
 जहँ ललित बागनि द्रुम लतनि मिलि रहे
 भिलिभिलि भूमिहै ॥ चंपा चमेली चारु चं-
 दन चारिहुं दिशि देखिये । लवली लवंग इला-
 नि केरे लाखहाँ लगि लेखिये ॥ कहूँ केतकी
 कदली करौंदा कुन्द अरु करवीर हैं । कहूँ दाख
 दाड़िम सेव कटहर तूत अरु जंबीरहैं ॥ कित
 हूँ कदम्ब कदम्ब कहूँ हिताल ताल तमालहैं ।

पीयूषते मीठे फले कितहूँ रसाल रसाल हैं ॥
 पुन्नाग कहूँ कहूँ नागकेसरि कितहूँ बकुल अ-
 शोकहै । कहूँ ललित अगर गुलाब पाटल पटल
 बेला थोकहै ॥ कितहूँ निवारी माधवी शृंगार
 हार कहूँ लसैं । जहँ भांति भांतिन रंग रंग बि-
 हंग आनंद सों रसैं १५ ॥ छप्पै ॥ लसत बिहं-
 गम बहुत बहु भांति बाग महँ । कोकिलकीर
 कपोत केलि कल कल करंत तहँ ॥ मञ्जुलमहरि
 मयूर चटुल चातक चकोर गन । पियत मधुर
 मकरंद करत भंकार भृंग घन ॥ भूषण सुबास
 फलफूलयुत छहूँ ऋतु बसत बसंत जहँ । इमिराज
 दुर्ग राजत रुचिर अतिहिसुखदशिवराज कहँ १६
 दोहा ॥ तहां राजधानी करी जीतिसकल तुरकान ।
 शिवसरजारुचिदान में कीन्हों सुयश जहान १७
 देशनि देशनि ते गुनी आवत याचन ताहि । ति-
 नमें आयो एक कवि भूषण कहियतु जाहि १८
 द्विज कनौज कुलकश्यपी रत्ननाकर सुत धीर ।
 बसत त्रिविक्रमपुर सदा तरणि तनूजा तीर १९
 शिवचरित्र लखि यों भयो कवि भूषण के चित्त ।
 भांतिभांति भूषणनिसों भूषितकरों कवित्त २० सु
 कविनहूँकी कृपा कछु समुक्ति कविन को पन्थ ।

ज्यारी । यों तम तोमहिं चाविकै चन्द्र चहूँदिशि
 चांदनि चारु पसारी । ज्यों अफजल्लहि मारि
 महीपर कीरति श्री शिवराज बगारी ६ ॥ दोहा ॥
 जहूँ बरणत उपमेयते हीनो करिउपमान । तासों
 कहै प्रतीपहै भूषण सुकवि सुजान १० ॥ उदाहरण
 सवैया ॥ कुन्द कहाँ प्रयवृन्दकहाँ अरु चन्द्रकहाँ
 सरजा यश आगे । भूषण भानु कृशानुकहाँ ब
 खुमान प्रताप महीतल पागे ॥ रामकहाँ द्विज
 रामकहाँ बलरामकहाँ रन में अनुरागे । बाजकहाँ
 मृगराजकहाँ अति साहस में शिवराजके आगे
 ११ यों शिवराजको राजअडोलकियो शिवजोब
 कहा ध्रुवधूहै । कामना दानि खुमान लखे न कछू
 दिवबृक्ष न देवगऊहै । भूषण भूषणमें कुल भू
 षण भौसिला भूषणरे सबभू है । मैरु कछू न कछू
 दिगदन्तिन कुरडलि कोल कछू न कछूहै १२ ॥
 उपमेयोपमावर्णन ॥ जहां परस्पर होत है उपमेयो उ-
 पमान । भूषण उपमेयोपमा ताहि बखानत जान
 १३ ॥ उदाहरण कवित्त ॥ तेरो तेजसरजा समर्थ दिन-
 कर सोहै दिनकर सोहै तेरे तेजके निकर को ।
 भौसला भुबालतेरो यश हिमकर सोहै हिमकर
 सोहै तेरे यशके अकरसो ॥ भूषण भनत तेरो

हियो रत्नाकर सो रत्नाकरौ है तेरेहिय सुख कर
 सो । साहिके सपूतशिव साहि दानितेरे करुसुर
 तरु सो है सुरतरु तेरे करसो १४ ॥ मालोपमावर्णन
 दोहा ॥ जहां एक उपमेयके होत बहुतउपमान ।
 ताहि कहत मालोपमा भूषण सकल सुजान १५ ॥
 उदाहरण कवित्त ॥ इन्द्र जिमि जंभपर बाडव ज्यों
 अंभपर रावण सुदंभपर रघुकुल राज है । पवन
 बारिबाहपर शम्भु रतिनाहपर ज्यों सहस्रबाहुँ
 पर राम द्विजराज है ॥ दावा द्रुमदण्डपर चीता
 मृगभुण्डपर भूषण वितुण्डपर जैसे मृगराज
 है । तेज तिमिरंस पर कान्ह जिमि कंसपर
 त्यों मलेच्छ बंशपर शेर शिवराज है १६ ॥
 ललितोपमावर्णन दोहा ॥ जहँ समता को दुहुँन की,
 लीलादिक पद होत । ताहि कहत ललितोपमा
 सकल कविन के गोत १७ ॥ उदाहरण दोहा ॥ बह-
 सत निदरत हँसत जहँ छबि अनुसरित बखा-
 नि । शत्रुमित्र इमि औरऊ लीलादिक पद जानि
 १८ ॥ तथा कवित्त ॥ साहितनै सरजाशिवाकी सभा
 जामधिहै मेरुवारी सुरकी सभाको निदरति है ।
 भूषण भनत जाके एक एक शिखरते केतिक
 घौन दिनके सोतवे तरति है ॥ जोन्ह को हँसति

जोति हीरमनिमन्दिरनि कन्दरनिमें छवि कुहूकि
उधरतिहै । ऐसो ऊँचो दुर्ग महाबली है जा में
नखतावली सोव हँसि दिपावली धरतिहै १६ ॥
रूपकवर्णन दोहा ॥ जहाँ दुहुँनको भेद नहीं बरणात
सुकवि सुजान । रूपक भूषण ताहिको भूषणक-
हत प्रमान २० ॥ जवाहरण छप्पै ॥ कलियुग जलधि
अपार उद्ध अधरम्म उर्मिमय । लच्छनिलच्छ
मलिच्छ कच्छ अरु मच्छ मगरचय ॥ नृपति
नदी नद वृन्द होत जाको मिलिनीरस । भनि
भूषणसबभुमि घेरि किन्निय सुअप्पवस ॥ हि-
न्दवान पुण्यगाह कवनिक तासु निबाहक साहि
सुव । बरदवान किरवान धरि यश जहाज शि-
वराजदुव २१ साहिन मनसमरत्थ जासुअव
रंग साहि शिरु । हदै जासु अवासासाहिवहल
बिलास थिरु ॥ एदल साहि कुतुब्ब जासु भुज
पुम भूषणभनि । पाइ म्लेच्छ उमराय कायतु-
कान और गनि ॥ यह रूप अवनि अवतार
अरि जिहि जालिम जगदपिडयव । सरजाशिव
गाहस खर्ग गाहि कलियुग सोइ खल खंडियव
२२ ॥ तथा कवित्त ॥ सिंह धरिजानै बिन जाव ली
तंगल भटी हठी गजएदिल पठाइकरि भटकयो ।

भूषण भनत देखि भभरिभगानो सब हिम्मत
हिये में धरिकाहुवै न हटक्यो ॥ साहिकें शिवाजी
गाजी सरजा समर्थ महामद गल अफजलै
पंजा बल पटक्यो । ताविगरहै करि निकामनिज
धामकह आकृत महाउतलै आंकुशलै सटक्यो
२३ ॥ रूपकभेदवर्णन बोहा ॥ घटिबढ़ि जहँ बर्णन
करै करिकै दुहुँन अभेद । भूषणकवि औरै कहत
द्वै रूपकको भेद २४ ॥ उदाहरण कवित्त ॥ साहितनै
शिवराज भूषण सुयश तुव बिगिरकलंक चन्द्र
उर आनियतुहै । एकहि आनन पंचआनन ग-
नित तोहिं गजानन बदन बिना बखानियतुहै ॥
एक शीशही सहस शीश कलाकरिबेको दुहुँदग
सों सहस दग मानियतुहै । दुहुँ करसों सहस कर
मानियतु तोहिं दुहुँ बाहुसों सहसबाहुँ जानियतु
है २५ जेते हैं पहार भुव मद्धि पारावार तिन
सुनिकै अपार कृपा गहै सुख फैल है । भूषण
भनत साहि तनै सरजाकेपास आइवे को बढ़ी
उर होसनकी ऐलहै ॥ किरवान बज्र सों बिपच्छ
करिबेके डर आइ है किते को आये शरण
कीगेलहै । मघवा मही में आनि शिव है महि
रवान कोटकरि सकल सपच्छकिये शैलहै २६ ॥

परिणामवर्णन दोहा ॥ जहँ अभेद करि दुहुँन सों
 करत औरं से काम । भनि भूषण सब कहत
 है तासुनाम परिणाम २७ ॥ उदाहरण सबैया ॥
 भूषण तीषण तेज तरन्नि सो बैरिन को कियो
 पानिप हीनो । दारिद दौकरि बारिद सौ दलि
 त्यों धरणीतल शीतल कीनो ॥ भौसिला भू-
 पवली भुवको भुज भारी भुजंगम सों भरुली-
 नो । साहितनै कुलचन्द शिवा यश चन्द सों
 चन्द कियो छवि छीनो २८ ॥ उल्लेखवर्णन दोहा ॥
 कै बहुतै कै एक जहँ एक वस्तुको देखि । बहु
 विधि कर उल्लेखहै सो उल्लेखि उलेखि २९ ॥
 उदाहरण सबैया ॥ एकै कहै कल्पद्रुमहै इमि पूरति
 है सबकी चित चाहै । एकैकहै अवतार मनोज
 को यों तन में अति सुन्दरताहै ॥ भूषण एकै
 कहै महि इन्दु यों राज विराजत बाढ़यो महाहै ।
 एकै कहै नरसिंहहै संगर एकै कहै नरसिंह शिवा
 है ३० ॥ तथा कवित्त ॥ पैज प्रतिपाल भूमि भार
 को हमाल चहुं चक्रको अमाल भयो दण्डत
 जहान को । साहिन को साल भयो ज्वार को
 जवाल भयो हरको कृपाल भयो हारके बिधान
 को ॥ बीर रस ख्याल शिवराज भवपाल तब

हाथको विशाल भयो भूषण बखान को । तेरो
 करवाल भयो दक्षिणको ढाल भयो हिन्द को
 दिवाल भयो काल तुरकान को ३१ ॥ स्मृतिवर्णन
 दोहा ॥ सम शोभा लखि आनकी सुधि आवत
 जेहि ठौर । स्मृति भूषण तासों कहत भूषण
 कवि शिर मौर ३२ ॥ उदाहरण कवित्त ॥ तुम शिव
 राज ब्रजराज अवतार आज तुमहीं जगतकाज
 पोषत भरतहौ । तुम्हें छांड़ि यातें काहि बिनती
 सुनाऊं मैं तिहारे गुण गाऊं तू ढील क्यों धरत
 हौ ॥ भूषण भनत वह कुल मैं न भयो न गुना-
 हक छुड़ायो क्यों न चित्तहि हरतहौ । और ब्रा-
 ह्मननि देखि करत सुदामा सुधि मोहिं देखि
 काहे सुधि भूगुकी करतहौ ३३ ॥ भ्रमवर्णन दोहा ॥
 आन बात को आनमें होत जहाँ भ्रम आनि ।
 तासों भ्रम सब कहत हैं भूषण कवि मत जा-
 नि ३४ ॥ उदाहरण सवैया ॥ पीय पहारनि पास न
 जाहुँ यों तीय बहादुर सों कह शोषै । कौन बचै
 है नवाब तुम्हें भनै भूषण भोसिला भूप के
 रोषै ॥ बन्दि कियो इहो साइस्तखां यशवन्त से
 भाउ करनं से दोषै । सिंह शिवाजिके बीरन
 सेगो अमीरनि तानि मनीषा लेषै ॥

सन्देहवर्णन दोहा ॥ कै यह कै वह यों जहां होत आनि
 सन्देह । भूषण सो सन्देह है यामें नहिं सन्देह
 ३६ ॥ उदाहरण कवित्त ॥ आवत गोसल खाने ऐसे
 कछू त्योर ठाने जान्यो अवरंगजू के प्राणनको
 लेवाहै । रसखोट भये एतै अगोट आगरे में
 सातै चौकीना कि आइ घरकीन्हीं हद रेवाहै ॥
 भूषण भनत यह चहूँ चक चाह कियो पात-
 शाह चकताकी छाती महछेवा है । जान्यो न
 परतु ऐसे काम है करतु कोऊ गन्धर्व देवाहै कै
 सिद्ध है कि सेवाहै ३७ ॥ अपहृतिवर्णन दोहा ॥
 आनवात आरोपिये सांची बात दुराइ । शुद्ध
 अपहृति तिहि कहत भूषण सब कबिराइ ३८ ॥
 उदाहरण कवित्त ॥ चमकती चपला न फिरत फिरंगै
 भट इन्द्रको न चाँप तरु बैरष समाजको । धाये
 धुरवान छाये धुरके पटल मेघ गाजिवो न बाजि-
 वो है दुंदुभि दुवाजको ॥ भौसिलाके डरनि डरा-
 नी रिपुरानी कहै पियभजो देखि उदो पावसकी
 साँजको । घनकी घटान गजघटनि सनाहसा-
 जै भूषण भनत आयो सेन शिवराजको ३९ ॥
 हेत्वपहृतिवर्णन दोहा ॥ जहाँ जुमति भौं आनको
 कहिये आनि छपाइ । हेतु अपहृति कहत है

तासों कवि समुदाइ ४० ॥ उदाहरण दोहा ॥ शिव
 सरजाके कर लसै सोन होइ किरवान १ भुज
 भुजगेश भुजंगिनी भखति पौन अरि प्रान
 ४१ ॥ पर्यस्तापहृतिवर्णन दोहा ॥ वस्तु गोइ ताको
 धरम आन वस्तु में रोपि । पर्यस्तापहनुति कहत
 कवि भूषण मति ओपि ४२ ॥ उदाहरण दोहा ॥
 काल करत कलिकाल में नहिं तुरकनको काल ।
 काल करत तुरकानको शिव सरजा करबाल
 ४३ ॥ आंतापहृतिवर्णन दोहा ॥ शङ्क आपनी होत
 ही जहँ भ्रम कीजै दूरि । आंतापहनुति कहत
 हैं तेहि भूषण कविभूरि ४४ ॥ उदाहरण कवित्त ॥
 साहितनै सरजाकी भयसों भगाने भूप मेरुके
 लुकानेतै लहत जाइ ओकहै । भूषण तहाँ ऊ-
 मर हट पतिके प्रताप पावत नवल अति कौतुक
 उदोतहै ॥ शिव आयो शिव आयो शंकर के
 आगमन सुनिकै परान ज्योलगत अरिगोत है ।
 शिवसरजान यह शिवहै महेश तब योंकै उपदेश
 यक्ष रक्षकसे होतहै ४५ ॥ तथा सवैया ॥ एक समय
 सजिकै सब सैन सिकारको आलमगीर सिधा-
 ये । आवतहै सरजा समखो एक ओरते गोलनि
 बोल जनारे ॥

भौसिला रूपकी धाक धुकाये । धाड़कै सिंह
 कह्यो समुझाड़कै रौलनिआइअचेत उठाये ४६ ॥
 छेकापहुतिवर्णन दोहा ॥ जहां और की शंक करि
 सांच छपावत बात । छेकापहुनुति कहत हैं भू-
 षण मति अवदात ४७ ॥ उदाहरण दोहा ॥ तिमिर
 बंशहर अरुणकर आयो सजनी भोर । शिव
 सरजा चुपरहि सखी सूरज सुर शिरमौर ४८ ॥
 कैतवापहुतिवर्णन दोहा ॥ जहँ कैतव छल व्याजमिस
 इनसों होत दुराव । कहत कैतवापहुनुतिहि
 भूषण कवि सदभाव ४९ ॥ उदाहरण दोहा ॥ दुर्ग
 बलयजन प्रबल सर जा जीत्यो रणमाहिं । औरंग
 कहै दिवानसों सपन सुनावत काहिं ५० सु-
 नि सुउजीरन यों कह्यो सरजा शिव महाराज ।
 भूषण कहि चकता सकुचि नहिं सिकार मृगरा-
 ज ५१ ॥ तथा कवित्त ॥ साहिनके शिक्षक सिपाहिन
 के पातशाह संगरमें सिंह कैसे जिनके सुभावहैं ।
 भूषण भनत शिव सरजा कीधाकैते वे कांपत र-
 हत चित्त गहत न चावहैं ॥ अफजल्की अगति
 साइस्तखांकी अपति बह लोलकी विपति सुनि
 डरे उमराउहैं । पक्का मतौ करिकै मलेच्छ मन सब
 झोंड़ि मकाहि के मिसि उतरत दरियाउहैं ५२ ॥

उत्प्रेक्षाचरण दोहा ॥ आन बातको आनमें जहँस-
 भावन होइ । वस्तु हेतु फलयुत कहत उत्प्रेक्षा
 है सोइ ५३ ॥ उदाहरण सवैया ॥ दानव आयो
 दगा करि जावली दिग्धभयारो महामदभाख्यो ।
 भूषण बाहुवली सरजाहि सुभेटिवेको निरशंक
 पधाख्यो ॥ बीछूके घायगिरे अफजल्लहि ऊपरही
 शिवराज निहाख्यो । दाबियों बैठ्यो नरिन्द अ-
 रिन्दहि मानो मयन्द गयन्द पछाख्यो ५४ साहि
 तनै शिव साहि निशामें निशाकलियो गढ़ सिंह
 सुहानो । राठिवरोको संहार भयो भिरिकै सिर-
 दार गिख्यो उदै मानो ॥ भूषण यों घमसान भो
 भूतल घेरत लोथनि मानो सुहानो । ऊंचे सु-
 छज्ज छता उचटी प्रकटी परभा परभात को
 जानो ५५ ॥ तथा कवित्त ॥ दुर्जनदार भजि भजिवे
 सम्हार चढ़ी उत्तर पहार डरि शिवाजी नरिन्द
 ते । भूषण भनत विन भूषण बसन सबै भूषण
 पियासवहै नाहनिके निन्दते ॥ बालक अयानै
 बाट बीचही बिलानै कुम्हिलानै मुख कोमल अ-
 मल अरविन्दते । दृग जल कज्जल कलित
 बढयो मानो दूजो सोतत तरनि तन जाको क-
 लिन्दते ५६ ॥ तथा दोहा ॥ महासज शिवसज

तुव सुधा धवल ध्रुव किति । छवि छटानि सौं
हुहतिसी छिति अंगन दिग भित्ति ५७ ॥ तथा

कवित्त ॥ लूट्यो खान दौरा जोरावर सफजंग अरु
लह्योकार तलबस्वां मनहुं अमाल है । भूषण
भनत लूट्यो पूनामें साइस्तखान गढ़नि में लू-
ट्यो त्यो गढ़ोइनि को जाल है ॥ हेरि हेरि कूटि
सलहेरि बीच सरदार घेरि घेरि लूट्यो सब कटक
कराल है । मानो हय हाथी उमराव करि साथी
अवरंग डरि शिवाजी पै भेजतरसाल है ५८ ॥

तथा दोहा ॥ दुवन सदन सब के बदन शिव
शिव आठों याम । निज बाचिबे को जपत जनु
तुरुकौ हरकौ नाम ५९ ॥ उत्प्रेक्षागनि गुपति वर्णन दोहा ॥
मानो इत्यादिक बचन आवत नहिं जिहि ठोर ।
उत्प्रेक्षागनि गुपति सौं भूषण भनत अमोर ६०

उदाहरण कवित्त ॥ देखत उचाई उदरति पाग सूधी
राह धौसहू में चढ़े ते जे साहस निकेत है । शिवा
जी हुकुम तेरो पाइ पैदल निसल हेरि परना
लेसे जीते जनु खेत है ॥ सावन भादोंकी भारी
बुहूकी अंध्यारी चढ़ि दुर्ग पर जात मावला-
वल सचेत है । भूषण भनत ताकी बातमें बि-
चारी तेरे परसाव रबिकी उज्यारी गढ़ लेत है ६१

तथा दोहा ॥ और गढ़ोई नदी नद शिव गढ़
 पाल दरयाव । दौरि दौरि चहुँ ओस्ते मि-
 लत आनि यह भाव ६२ ॥ रूपकातिशयोक्तिवर्णन
 दोहा ॥ ज्ञान करत उपमेयको जहँ केवल उप-
 मान । रूपकातिशयोक्ति तहँ भूषण कहत सु-
 जान ६३ ॥ उदाहरण कवित्त ॥ बासवसे बिसरत
 बिक्रमकी कंहा चली बिक्रम लखत वीर बखत
 बिलन्दके । जाके तेज बृंद शिवाजी नरिंद मस-
 रंद भाल मकरंद कुलचंद साहिनंदके ॥ भूषण
 भनत जाके बैर बैर नैरनि में होत अचरज घर
 घर दुखदंदके । कनक लतानि इन्दु इन्दुनि में
 अरविंद भरै अरिविंदनितै बुन्द मकरंदके ६४ ॥
 भेदकातिशयोक्तिवर्णन दोहा ॥ जहँ जहँ आनहिं भांति
 के बरखी बात कहूँक । भेदकातिशयोक्ति से
 भूषण कहत अचूक ६५ ॥ उदाहरण कवित्त ॥
 श्रीनगर नयपाल जुमिलाके क्षितिपाल भेजत
 रसाल चोर गढ़ कुही बाजकी । मेवार हुंठार
 मारवार औ बुंदेलखंड भारखंड बांधौ धनी
 चाकरी इलाजकी । भूषण जे पूरव पछाहँ नर-
 नाहतेवै तार्कत प्रनाह दिल्लीपति सिरताजकी ।
 नमतको तेतवार जीत्यो अवरंगजेव न्यारी

सीति भूतल निहारी शिवराजकी ६६ ॥ अक्रमा-
 तिशयोक्तिवर्णन दोहा ॥ जहाँ हेतु अरु काज मिलि
 होत एकही साथ । अक्रमातिशयोक्ति सो कहि
 भूषण कविनाथ ६७ ॥ उदाहरण कवित्त ॥ उद्धत
 अपार तुव दुंदुभीधुकार साथ लंघै पारावार
 बृन्द बैरी बालकनके । तेरे चतुरंग के तुरं-
 गन के रंगे रज साथही उड़ात रज पुंज है परन
 के ॥ दक्षिण के नाथ शिवराज तेरे हाथ चढ़ै
 धनुष के साथ गढ़ कोट दुर्जनके । भूषण अ-
 शीसै तोहिं करत कसीसै पुनि बाणनके साथ
 छूटै प्राणतुरकनके ६८ ॥ चंचलातिशयोक्तिवर्णन दोहा ॥
 जहाँ हेतु चरचाहि में काज होत ततकाल ।
 चंचलातिशयोक्ति सो भूषण कहत रसाल ६९ ॥
 उदाहरण दोहा ॥ आयो आयो सुनतही शिवसरजा
 तुव नाउँ । बैरि नारि दृग जलनि सों बूड़िजात
 अरिगाउँ ७० ॥ अत्यन्तातिशयोक्तिवर्णन दोहा ॥ जहाँ
 हेतुते प्रथमहीं प्रकट होतहै काज । अत्यन्ताति-
 शयोक्तिसो कहि भूषण कविराज ७१ ॥ उदाहरण
 कवित्त ॥ मंगन मनोरथ के दानि प्रथमहिं तोहिं
 कामतरु कामधेनु सो गनाइयतु है । आतेतेरे
 गुण सब गाइको सकतु कवि बुधिअनुसार कइ

हम गाइयतुहै ॥ भूषणकहै यों साहितनय शिव-
 राज निज बखत बढ़ाइ करि तोहिं ध्याइयतुहै ।
 दीनता को डारि औ अधीनता बिडारि दीह
 दारिद को मारि तेरे द्वार आइयतुहै ७२ ॥ तथा
 दोहा ॥ कवि तरवर शिव सुयश सर सींचे अच-
 रज मूल । सफल होत है प्रथमहीं पाछे प्रकटै
 फूल ७३ ॥ सामान्यविशेषवर्णन दोहा ॥ कहिबे जहँ
 सामान्यहै कहै जहाँ जु विशेष । सो सामान्य
 विशेषहै बरणात सुकविअशेष ७४ ॥ उदाहरण दोहा ॥
 और नृपति भूषण कहै करै न सुगमौ आज ।
 साहि तनय शिवसुयशको करै कठिनऊ काज
 ७५ ॥ तुल्ययोग्यतावर्णन दोहा ॥ तुल्ययोग्यता धरम
 जहँ वर्णनको है एक । कहूँ अवर्णनको कहत
 भूषण सुकवि विवेक ७६ ॥ उदाहरण कवित्त ॥ च-
 दत तुरंग चतुरंग साजि शिवराज चढ़त प्र-
 ताप दिनकर अतिजंगमें । भूषणचढ़त मरहट्टनि
 के चित्तचाव खड़ खुलि चढ़तहै अरिनके अंग
 में ॥ भोसिलाके साथ गढ़कोट है चढ़त अरि
 जोटहै चढ़त एक मेरु गिरिशृंग में । तुरकान
 गण व्योमजान है चढ़त बिना मन है चढ़त

भारी भुजनि भुवभर धर्यो सुभाग । भूषण अब
 निहचिंतहैं शेषनाग दिगनाग ७८ ॥ दीपकवर्णन
 दोहा ॥ बर्य्य अबर्य्यनको धरम जहँ बरणातहै एक ।
 ताको दीपक कहत हैं भूषण सुकवि विवेक ७९ ॥
 उदाहरणसवैया ॥ कामिनि कंथसों यामिनि चन्द
 सों दामिनि पावस मेघ घटासों । कीरति दान
 सों सुरति ज्ञानसों प्रीतिबड़ी सनमान महासों ॥
 भूषण भूषणसों तरुनी नलिनी नव पूषण देव
 प्रभासों । जाहिर चारिहूँ ओर जहान लसै
 हिंदवान खुमान शिवासों ८० ॥ आवृत्तदीपकवर्णन
 दोहा ॥ दीपक पदके अर्थ जहँ फिरि फिरि कहत
 बखान । आवृत्त दीपक कहत हैं भूषण कविमत्त
 जान ८१ ॥ उदाहरण कवित्त ॥ अटल रहै हैं दिग्ग
 अन्तनिके भूपधरि रैयतिको रूप निज देश
 पेश करिकै । राना रह्यो अटल बहानाधरि चा-
 करीको बाना तजि भूषण भनत गुण भरिकै ॥
 हाड़ा राठौरहे कच्छवाहे गोर और रहे अटल
 चकत्ताकीचमाऊ धरि डरि कै । अटल शिवा
 जी रह्यो दिल्लीको निदरि धीर धरि ऐड़ धरि
 तेग धरि गढ़ धरिकै ८२ ॥ तथा सवैया ॥ मद

जलद छवि साजई । भूमि धरन फणपति बि-
लसत अति तेज धरन ग्रीषम रवि आजई ॥
खड्ग धरन शोभा तहँ राजत रुचि भूषण गुन
धरन समाजई । दिक्षि दलन दक्षिण दिशि
धम्भन ऐड धरन शिवराज विराजई ८३ ॥
प्रतिवस्तूपमा वर्णन दोहा ॥ वाक्यनको युग होत जहँ
एकै अर्थ समान । जुदो जुदो करि भाषिये प्रति
वस्तूपमा जान ८४ ॥ उदाहरण सबैया ॥ देत तुरी
गुनगीत सुने बिन देत करी गुन गीत सुनाये ।
भूषण भावत भूष न आन जहाँ न खुमानकी
कीरति गाये ॥ मङ्गनको भुवपाल घनै पै नि-
हाल करै शिवराज रिभाये । और रितै बरसै
सरसै पै बढै नदिया नद पावस आये ८५ ॥ दृष्टांत
वर्णन दोहा ॥ पदसमूह युग अर्थ जहँ प्रतिबिम्बित
सो होत । ताहि कहत दृष्टांत है भूषण सुमति
उदोत ८६ ॥ उदाहरण दोहा ॥ शिवा औरंगहि
जिति सकै और न राजाराउ । हथ्य मथ्य पर
सिंह बिनु और न घालै घाउ ८७ ॥ चाहत नि-
र्गुण सगुणको ज्ञानवन्त गुण धीर । यही भांति
निर्गुण गुणिहि शिवा निवाजत बीर ८८ ॥
निदर्शनावर्णन दोहा ॥ सदृश वाक्य यग अर्थ ते

करिये एक आरोप । भूषण ताहि निदर्शना कहत
 बुद्धिदै ओप ८६ ॥ उदाहरण सबैया ॥ मच्छहुकच्छ
 मैं कोल नृसिंह मैं बावनमें भनि भूषण जो है ।
 जो प्रशुराममें जो रघुराम में जोव कह्यो बल-
 रामहुको है ॥ बौधमें जो अरु जो कलकी महँ
 विक्रमहूबेको आगे सुनो है । साहस भूमि आधार
 सोई अब श्री सरजा शिवराज में सो है ६० ॥
 तथा दोहा ॥ औरनिको जो जनमुहै सो जाको
 एक रोज । औरनिको जो राज सो शिव सरजा
 की मौज ६१ साहिन सों रनमांडिकै कीन्हों सु-
 कवि निहाल । शिव सरजा को ख्याल है और-
 निको जंजाल ६२ ॥ व्यतिरेक वर्णन दोहा ॥ समछवि
 वाले दुहुँनिमैं जहँ वर्णत बड़ि एक । भूषण कवि
 कोबिद सकल ताहि कहत व्यतिरेक ६३ ॥
 उदाहरण छापै ॥ त्रिभुवनमें परसिद्ध एकु अरि बलि
 वह खरिडय । यहि अनेक अरिवल विहंडिरण
 मरडल मरिडय ॥ भूषण वह ऋतु एक पुहुमिपानि
 यहि बढावत । यह छहुँ ऋतु निशि दिन अपार
 पानिय अधिकावत ॥ शिवराज साहि तुव
 सथ्य नित लख हथि हय लख रइ । यकहि
 गयंद यकहि तरंग किमि सरेंद्र सरिवर करइ ६४

सहोक्तिवर्णन दोहा ॥ वस्तुनिको भाषत जहां जन
 रंजन सहभाय । तहां सहोक्ति कहत हैं कविको-
 विद समुदाय ६५ ॥ उदाहरण कवित्त ॥ छूटत उलास
 आम खास एकसंग छूटे हरम शरम एकरंग
 बिनु ढंगही । नैनके नीर छूटे या एक संग छूटे
 सुख मुख रुचि त्योंही बिनुरंगही ॥ भूषण बखाने
 शिवराज मरदाने तेरे धांक बिललाने न गहत
 बल अंगही । दक्षिणके सूबा पाइ दिल्लीके अ-
 मीर तजे उत्तरकी आश जीव आश एक संगही
 ६६ ॥ विनोक्तिवर्णन दोहा ॥ प्रस्तुत जहँ कछु
 बातबिन हेतु बर्यको होइ । ताहिकहत विनोक्ति
 है भूषण कवि मत जोइ ६७ ॥ उदाहरण सवैया ॥
 को कविराज विभूषण होत बिनाकवि साहि तनै
 को कहाये । को कविराज समाजित होत सभा
 सरजाके बिनागुण गाये ॥ को कविराज भुवालनि
 भावतु भौसिलाके मनमें बिन भाये । कोकवि-
 राज चढ़ै गजराज शिवाजीकी मौज महीबिनु
 पाये ६८ ॥ तथा दोहा ॥ शोभामान परजग किये
 सरजा शिवा खुमान । साहिन सो बिन डर अ-
 गड़ बिन गुमान को दान ६९ ॥ समासोक्तिवर्णन
 दोहा ॥ वर्णन कीजै आन को ज्ञान आन को

होय । कहत समासोक्ति सो भनि भूषण सबकोय
 १०० ॥ उदाहरण दोहा ॥ बड़ो डील लखि पील
 को सबनि तज्यो बन थान । धनि सरजा तुव
 जगत में ताको हरयो गुमान १०१ तुही सांच
 द्विजराज है तेरी कला प्रमान । तो पर शिव
 किरपा करी जानों सकलजहान १०२ ॥ परिकर
 और परिकरांकुर वर्णन दोहा ॥ साभिप्राय विशेषणनि
 भूषण परिकर जानि । साभिप्राय विशेष तै
 परिकरांकुर मानि १०३ ॥ उदाहरण कवित्त ॥ बचै-
 गान समुहानै बहलोलखां अयानै भूषण बखानै
 दिलआनि मेराचरजा । तुभते सर्वाई तेराभाई
 सलहेर पासबन्दै किया साथका न कोई बीर ग-
 रजा । साहिनको साहसी औरंगके लीन्हें गढ़
 जिसकातू चाकर सो जिसकी है परजा । साहिका
 ललन अफजलका मलन दिल्लीदलका दलन
 शिवराज आया सरजा १०४ ॥ तथा दोहा ॥ शूरशिरो-
 मणि शूर कुल भूषण शिवमकरन्द । क्यों करिकै
 औरंगजितै कुलमलेच्छ कुलचन्द १०५ भूषण
 भनि सबही तबहिं जीत्यो हो जुरिजंग । क्यों
 जीततु शिवराज सौ अब अधेक अवरंग १०६ ॥
 श्लेषपन्न दोहा ॥ एकवचनमें होतजहँ बहुअर्थनिको

ज्ञान । श्लेषकहत हैं ताहिको भूषण सकल सु-
 जान १०७ ॥ उदाहरण कवित्त ॥ सीतासंग सोहति
 लक्ष्मण सहायजाको भूप भरत नाम भाई नीति
 चारुहै । भूषण भनत कुल सूरकुलभूषणहै दाश-
 रथी सबजाके भुजभुवभारु है ॥ अरिलङ्क तोर
 जोरजाके साथवानरहैं सिंधुरहै बांधेजाके दलको
 न पारुहै । तेगहिकै भेंट जो न राकस मरद जान्यों
 सरजा शिवाजी रामहीको अवतारुहैं १०८
 देखत सरूपको सिहात न मिलन काज जग
 जीतिबे को जामें रीति बलबलकी । जाके पास
 आवै ताहि निधर करत बेगि भूषण भनत जाकी
 संगति न फलकी ॥ कीरति कामिनी राच्यो
 सरजा शिवाको एक बसकै न बस करनी सकल
 की । चंचल बरस एक काहु पैन रहै दारी तिनुका
 समान सूबादारी दिल्ली दलकी १०९ ॥ अप्र-
 स्तुतप्रशंसावर्णन दोहा ॥ प्रस्तुति लीन्हें होइ जहँ अ-
 प्रस्तुत परशंस । अप्रस्तुत परशंस सो कहत
 सुकवि अवतंस ११० ॥ उदाहरण दोहा ॥ हिन्दुनि
 सों तुरकिनि कहै तुमको सदा संतोष । नहिंन
 तिहारे पतिन पर शिवसरजा को रोष १११
 - अगितिष्ठ भिल्लिख मों लखै फल ननजाइ गंतन ।

शिवसरजा सो बैर नहिं सुखी तिहारे कंत
 ११२ ॥ पर्यायोक्तिवर्णन दोहा ॥ बचननकी रचना जहाँ
 वर्णनीय परजानि । पर्यायोक्ति कहत है भूषण
 ताहि बखानि ११३ ॥ उदाहरण कवित्त ॥ महाराज
 शिवराज तेरे बैर पेखियतु घन बन छै रहे हरम
 हबसीनके । भूषण भनत तेरे बैर दामनगरज
 वार पर बाहबहे रुधिर नदीनके ॥ सरजा समर्थ
 बीर तेरे बैर बीजापुर बैरी बैरानिकर चीन्ह
 न चुरीन के । तेरे बैर देखियतु आगरे दिल्ली में
 विनुसिन्दुरके बिन्दुमुख इन्दु जवनीनके ११४ ॥
 व्याजस्तुतिवर्णन दोहा ॥ निन्दा में स्तुति कदत जहँ
 स्तुति में निन्दा होइ । व्याजस्तुति तासों कहत
 भूषणकविसबकोइ ११५ ॥ उदाहरण कवित्त ॥ पीरी
 पीरी हुनै तुम देत हौ मँगाय हमें सुबरणहमसों
 परखि करि लेतहौ । एकपलही में लाखें रुखनि
 सों लेत लोग तुम राजा छैकै लाखें दीबेको स-
 चेतहौ ॥ भूषण भनै यों महाराज शिवराज बड़े
 दानी दुनी ऊपर कहाये कौन हेतहौ । रीभिहँसि
 हाथी हम सब कोऊ देत कहा रीभकर हाथी
 एक तुमहीं तौ देत हौ ११६ तूतौ रात्योदिन
 जगजागत रहत ओऊ जागत रहत रात्यो दिन -

बनरत हैं । भूषण भनत तू बिराजै रज भस्यो
 ओऊ रज भरे देहनि दरी में बिचरत हैं ॥ तूतों
 शूरगण को बिदारि बिहरत सूर मंडलै बिदारि
 सुरलोक बिहरत हैं । काहेते शिवाजी गाजी तेरोई
 सुयश होत तोसों अरि बर सरि बर सी करत
 हैं ११७ ॥ आक्षेपवर्णन दोहा ॥ पहिले कहिये बात
 कछु तासों पुनि प्रतिषेध । ताहि कहत आक्षेपहैं
 भूषण सुकवि सुमेध ११८ ॥ उदाहरण सबैया ॥
 जाइभिरौ न भिरै बचिहौ भनै भूषण भौसिला
 भूपशिवासौं । जाइ दरी न दुरौ दबियो तजिकै
 दरिया उलँघौ लघुतासों ॥ सीछनकाज उजीरन
 को कढ़े बोलयों आदिल साहि सभासों । झूटि
 गयो तो गयो परनालो सलाहकी राहमहौसिरजा
 सों ११९ ॥ विरोधवर्णन दोहा ॥ द्रव्यक्रिया गुन में
 जहाँ उपजत काज विरोध । तासों कहत विरोध
 हैं भूषण सुकवि सुबोध १२० ॥ उदाहरण सबैया ॥
 श्रीसरजा शिव तो जस सेत सो होतहै साहिन
 के मुखकारे । भूषण तेरे अरुन्नप्रताप सपेद लखे
 कुनरा नृपसारे ॥ साहितनै मुखकोप अगिन्न
 सों बैरी जरै सब पानिपवारे । एक अचंभव होत
 बडो तिन ओगगटे अरिनात न लागे १२१ ॥

विरोधाभासवर्णन दोहा ॥ जहँ विरोध सौ जानिये साँच
 विरोध न होइ । ताहि विरोधाभास कहि बर-
 णत हैं सब कोई १२२ ॥ उदाहरण सबैया ॥ द-
 क्षिण नायक एक तुहीं भुव भामिनिको अनुकूल
 ह्वै भावै । दीनदयाल न तोसों दुनी अरु म्लेच्छ
 के दीनहि मारि मिटावै ॥ श्री शिवराज भनै कवि
 भूषण तेरे स्वरूपही कोउ न पावै । सूरके वंश में
 सूर शिरोमणि ह्वै करि तू कुलचन्द्र कहावै १२३ ॥
 विभावनावर्णन दोहा ॥ भयो काज बिन हेतहुं बरणै
 हैं जिहि ठौर । तहँ विभावना होति है भाषत
 कविशिरमौर १२४ ॥ उदाहरण सबैया ॥ बीर बड़े
 बड़े मीर पठान खरो रजपूतनको गनु भारो ।
 भूषण आइ तहां शिवराज लियोहरि औरंगजेब
 को गारो ॥ दीन्हों कुब्जाव दिलीपतिको अरु
 कीन्हों वजीरनको मुँह कारो । नायो न माथहि
 दक्षिण नाथ न साथमें सेननहाथ हथ्यारो १२५ ॥
 तथा दोहा ॥ साहितनय शिवराजकी सहज ठेक
 यह ऐन । अनरीभै दारिद हरे अनखीभै
 अरि सैन १२६ ॥ द्वितीयविभावनावर्णन दोहा ॥ जह
 प्रगट भूषण भनत हेतु काजते होइ । सो विभा-
 वना औरऊ कहत सयाने लोइ १२७ ॥ उदाहरण

॥ अरज भूषण मन बढ़यो श्री शिव-
 राज खुमान । तुव कृपान ध्रुव धूमते भयो प्रताप
 कृसान १२८ ॥ असम्भववर्णन दोहा ॥ अनहूबेकी
 बात कछु प्रकट भई सो जानि । जहां असंभव
 बरणिथे सोई नाम बखानि १२९ ॥ उदाहरण कवित्त ॥
 जसन के रोज यों जलूस गहि बैठयो जोव इन्द्र
 आवै सोई लागै औरंगकी परजा । भूषण भनत
 तहँ गरज्यो शिवाजी गाजी जिनको तुजकुदेखि
 को न हिये लरजा ॥ ठान्यो न सलाम भान्यो
 साहिको इलाम धूम धाम कै न मान्यो रामसिंह
 हूको बरजा । जासों ऐंडकरे भूपवचै न दिगंत
 ताके दन्त तोरि तखत तरेते आयो सरजा
 १३० ॥ तथा दोहा ॥ औरंग यों पछिताय मन
 करतो यतन अनेक । शिवा लेइगो दुर्ग सब
 को जानै निशि एक १३१ ॥ असंगतिवर्णन दोहा ॥
 हेतु अनतही होत जहँ काजु अनतही होइ ।
 ताहि असंगति कहत हैं भूषण सुमति समोइ
 १३२ ॥ उदाहरण कवित्त ॥ महाराज शिवराज चढ़त
 तुरंग पर ग्रीवा जातनैकर गनीम अतिबल
 की । भूषण चलत सरजा की सैन भूमिपर
 आती दरकति खरी अखिल खलन की ॥ कियो

दौरि घाव अमीर उमराउ पर गई कटि नाक
 सगरेई दिल्ली दलकी । सूरति जराई कीन्हों
 दाहु पातसाहउर स्याही जाय सब पातसाही
 मुख भलकी १३३ ॥ विषमवर्णन दोहा ॥ कहाँ बात
 यह कहाँ वह यों जब करत बखान । ताहि विषम
 भूषण कहत भूषण सुकवि सुजान १३४ ॥ उदाहरण
 सबैया ॥ जाबालि बार सिंगार पुरी औ जवारी
 को रामके नैरिको गाजी । भूषण भौसिला भूपी
 नै सब मारि यों दूरि किये जिमि पाजी ॥ बै
 कियो सरजासों खवासखां क्यों उरसैन विजै-
 पुर बाजी । बापुरो आदिल साहि कहां कहां
 दिल्लीको दावनगीर शिवाजी १३५ लै परन
 लौ शिवा सरजा करनाटकलौ सब देश विगूचे ।
 बैरिनके भगे बालक बृन्द भनै कवि भूषण
 दूरि पहुँचे ॥ नांघत नांघत घोर घने बनहारि
 परे यों कटे मनो कुँचे । राजकुमार कहां सुकु-
 मार कहां बिकरार प्रहार वै ऊँचे १३६ ॥ सम-
 वर्णन दोहा ॥ जहां दुहैं अनुरूप को करिये उचित
 बखान । सम भूषण तासों कहत भूषण सकल
 सुजान १३७ ॥ उदाहरण सबैया ॥ पञ्च हज़ारिन बीच
 खरकिय मै उसका कछू भेद न पाया । भूषण

यों कहि औरंगजेब उजीरन सों सुहिसाबुरि-
साया ॥ कम्मर की न कटारिदई इसलामने
गोसलखानबचाया । जोर शिवा करता अनरथ्य
भली हुइ हथ्य हथ्यार न आया १३८ ॥ दोहा ॥
कछु न भयो केतो ठयो हाथ्यो सकल सिपाह ।
भलीकरै शिवराजसों औरंगकरै सलाह १३९ ॥

विचित्र वर्णन दोहा ॥ जहां कहत हैं यतन फल
चित्त चाहि बिपरीत । भूषण ताहि विचित्र कहि
बरणत सुकवि सुप्रीत १४० ॥ उदाहरण दोहा ॥
तेजै सिंहहि गढ़दये शिव सरजा यश हेत ।
लीन्है कैयौ बरष में बार न लाई देत १४१ ॥

प्रहर्षण वर्णन दोहा ॥ जहँ मनबांछित अर्थते प्रापति
कछु अधिकाइ । ताहि प्रहर्षण कहत हैं भूषण
जे कबिराय १४२ ॥ उदाहरण कवित्त ॥ साहितनय
सरजाकी कीरति सो चारो ओर चांदनी बि-
तान क्षिति छोर छाड्यतु है । भूषण भनत ऐसो
भूपति भौसिलाको है जाके द्वार भिक्षा सदाई
भाइयतुहै ॥ महादानी शिवाजी खुमानजी जहान
पर दानके प्रमान जाके यों गनाइयतु है । रजतु
की हौस किये हेम पाइयतु जासों हयनिकिहौस
क्रिये हाथी पाइयतुहै १४३ ॥ विषादन वर्णन ॥ जहँ

चितु चाहे अरथको उपजे काज बिरुद्ध । ताहि
विषादन कहत हैं भूषण बुद्धि बिबुद्ध १४४ ॥
उदाहरण सवैया ॥ दारहि मारि मुराद को बांधि कै
संगरसाह सुजा बिचलाये । भूषण कै बसि
दिल्लिकि दौलत औरउ देशघने अपनाये ॥ बैर
कियो सरजा शिवसों यक औरँग के न भये मन
भाये । फौज पठाइहुती गढ़लेनको गांठिहुकेगढ़
कोटगँवाये १४५ ॥ दोहा ॥ महाराज शिवराज तुव
बैरीतजिरसरुद्र । बचिवे को सागरतिरे बूड़ेशोक
समुद्र १४६ ॥ अधिक वर्णन दोहा ॥ जहां बड़े आ-
धारते बरणत बढ़ि आधेय । ताहि अधिक भू-
षण कहत जानि सुगाह प्रमेय १४७ ॥ उदाहरण
दोहा ॥ शिवसरजा तुव हाथको नहिं बखान करि
जान । जाको बासी सुयश सब त्रिभुवन में न
समान १४८ ॥ अन्योन्य वर्णन दोहा ॥ अन्योन्या उप-
कार जहँ यह वर्णन ठहराइ । ताहि अन्योन्या
कहतहैं अलंकारकविराइ १४९ ॥ उदाहरण सवैया ॥
तो करसों क्षिति छाजत दान है दानहुसों अति
तो कर छाजै । तैंहि गुणी कि बड़ाइ सजै अरु
तेरि बड़ाई गुणी सब साजै ॥ भूषण तोहिं सों राज
बिराजत राज सों तू शिवराज बिराजै । तो बल

सों गढ़ कोट गजै अरु तू गढ़ कोटानि के बल
 गाजै १५० ॥ विशेष वर्णन दोहा ॥ बरणातैंहैं आधेय
 को जहँ बिनहूँ आधार । ताहि विशेष बखानहीं
 भूषण कबि सरदार १५१ ॥ उदाहरण दोहा ॥ शिव
 सरजा सों जंग जुरि चन्द्रावत रजवन्त । राउ
 अमरगो अमरपुर समर रहो रजतन्त १५२ ॥
 व्याघात वर्णन दोहा ॥ और काज करता जहां करै
 औरई काज । ताहि कहत व्याघातहैं भूषण कबि
 शिरताज १५३ ॥ उदाहरण सवैया ॥ ब्रह्मरचै पुरु-
 षोत्तम पोषत शंकर सृष्टि संहारनहारे । तू हरि
 को अवतार शिवानृपकाज सवाँरै सबै हरिवारे ॥
 भूषण यों अवनौ जवनी कहै कोउ कहै सरजासों
 हहारे । तू सबको प्रतिपालनहार बिचारे भतार
 न मारे हमारे १५४ ॥ गुंफ वर्णन दोहा ॥ पूरुब
 पूरुब हेतुकै उत्तर उत्तर हेत । या बिधि धारा
 बरण कबि गुंफ कहत बानेत १५५ ॥ उदाहरण
 सवैया ॥ शंकर की किरपा सरजापर जोर बढ़ी
 कबि भूषण गाई । ता किरपासों सुबुद्धि बढ़ीभुव
 भौसिला साहि तनैकी सवाई ॥ रोज सुबुद्धि सों
 दान बढ़यो अरु दान सों पुण्य समूह सदाई ।
 पुण्यसों बाढ्यो शिवाजी खुमान खुमानसों बाढ़ि

जहान भलाई १५६ ॥ दोहा ॥ सुयश दान अरु
 दान धन धन उपजै किरवान । सो जग में
 जाहिर करी सरजा शिवा खुमान १५७ ॥
 एकावली वर्णन दोहा ॥ प्रथम वरणि जहँ छोड़िये
 जहां अरथ की पांति । वरणात एकावलि अहै
 कविभूषण यहि भांति १५८ ॥ उदाहरण हरिगीतछन्द ॥
 तिहुँ भुवन में भूषण भनै नरलोक पुण्य कि साज
 में । नरलोक में तीरथलसैं महितीरथों कि स-
 माज में ॥ महिमा बड़ी महिमैं भली महिमै
 महारज लाजमें । रज लाज राजति आजु है
 महाराज श्रीशिवराज में १५९ ॥ मालादीपक और
 सार वर्णन दोहा ॥ दीपक एकावलि मिले मालादी-
 पक होइ । उत्तर उत्तर उतकरष सार कहत है
 सोइ १६० ॥ उदाहरण मालादीपकका कवित्त ॥ मन
 कविभूषण को शिवकी भगति जीत्यो शिव की
 भगति जीती साधुजनसयानै । साधुजन जीते या
 कठिनकलिकाल कलिकाल जीते महाबीर राजनि
 सहिमानै ॥ जगतमें जीते महाबीर महाराजनि
 ते महाराज बावनहूँ पातसाहि लेवानै । पात-
 साहि बावनौ दिल्ली के पातसाहि दिल्ली पातसाहि
 हिन्दुपति पातसाहि शिवानै १६१ ॥ उदाहरण

सारका सबैया ॥ आदि बड़ी रचनाहै बिरंचि कि
 जामें रह्यो रचि जीवजड़ो है । ता रचना में
 सुजीव बड़ो अति काहेते ताउर ज्ञान गड़ो है ॥
 जीवनि में नरलोक बड़ो कवि भूषण भाषत पैज
 अड़ो है । हैं नरलोक में राजबड़े सब राजनि
 में शिवराज बड़ो है १६२ ॥ यथासंख्य वर्णन दोहा ॥
 क्रमसों कहि तितके अरथ क्रमसों बहुरिमिलाइ ।
 यथासंख्य तासों कहत भूषण जे कविराइ
 १६३ ॥ उदाहरण कवित्त ॥ जेई चहौ तेई गहौ सरजा
 शिवाजी देश सबै दले दुवनहते बड़े उरके । भू-
 षण भनत भौसिला सों अब सनमुख कोऊ ना
 लडैया है धरैया धीरधुरके ॥ अफजल खानऊ
 सामेत मान फत्तेखान कूटेलूटे जूटे जे वजीर
 बीजापुर के । अमर सुजान मोहकम बहलोल
 खान खांडे छांडे डांडे उमराय दिलीसुर के
 १६४ ॥ पर्यायवर्णन दोहा ॥ जहां अनेकनि में रहै
 आखिर ह्वै करि एक । ताहि कहत पर्यायहैं भू-
 षण सुकवि विवेक १६५ ॥ उदाहरण दोहा ॥ जीति
 रही अवरंग में सबै छत्रपति छांडि । तजि ताहू
 को अब रही शिवसरजा करमांडि १६६ ॥
 कवित्त ॥ कोटगढ़ दैकै माल मलक में बीजापरी

गोलकुंडावारो पीछेहीको सरकतु है । भूषण भनत
 भौसिला भुवाल भुजबलरेवाहीके पार अवरंग
 हरकतु है ॥ पेस कसे भेजत ईरान फिरंगान
 पति उनहूं को उर याकी धाक धरकतु है । साहि
 तनै शिवाजी खुमान या जहानपर कौने पात-
 साह के न हिये खरकतु है १६७ ॥ परिवृत्ति वर्णन
 दोहा ॥ एकबात को दै जहां आन बातको लेत ।
 ताहि कहत परिवृत्ति हैं भूषण सुकवि सुचेत
 १६८ ॥ उदाहरण कवित्त ॥ दक्षिण बरन धीरधरन
 खुमानगढ़ लेतगढ़ धरनि सों धरमु दुवारु दै ।
 साहि नरनाहको सपूत महाबाहु लेत मुलुक
 महान छीनि साहिन को मारु दै ॥ संगरमें सरजा
 शिवाजी अरिसैननि को सारुहरिलेत हिंद
 वान सरसारु दै । भूषण भौसिला जय यशके
 पहारलेत हरजू को हारु हरगन को अहार दै
 १६९ ॥ परिसंख्यावर्णन दोहा ॥ अनत बरजि कछु
 बस्तुजहँ बरणात एकहि ठौर । ताहि कहत परि-
 संख्य हैं भूषण कवि दिलदौर १७० ॥ उदाहरण
 कवित्त ॥ अतिमतवारे जहां द्विरदै निहारियतु
 जहां तुरंगन मेंही चंचलाई परकीति है । भूषण
 भनत जहां परलगै बाननि में कोक प्रक्षिनिही

माहँ बिछुरन रीतिहै ॥ गुणिगण चोर जहां एक
चित्तही के लोक बन्धै जहँ एक सरजा की गुण
प्रीतिहै । कंपु कदली में बैरुबृक्ष बदली में शिव
राज अदली के राजमें यों राजनीतिहै १७१ ॥

विकल्प वर्णन दोहा ॥ कै यह कै वह कीजिये जहँ
कहनाउति होइ । ताहि विकल्प बखानहीं भू-
षण कवि सब कोइ १७२ ॥ उदाहरण सवैया ॥ मो-

रंगजाहु कि जाहु कुमाँउ शिरीनगरैहु कबित्त
बनाये । बांधव जाहु कि जाहु अमेर कि जोध-
पुरै कि चितौरहि धाये ॥ जाहु कुतुब्ब कि ऐ दल
पै कि दिलीशहुपै किमि जाहु बुलाये । भूषण

गाइ फिरौ महिमें बनिहै चितचाह शिवाहि रि-
भाये १७३ ॥ देशनि देशनि नारि नरेशनि

भूषण यों सिखदेहि दयासों । मंगन होमन दंत
गहो तिन कन्त तुम्हें है अनन्त महासों ॥ कोट

गहौ कि गहौ बनओट कि फौज कि जोट सहौ
प्रभुतासों । और करो किनकोट कराह सलाह

बिना बचिहौ न शिवासों १७४ ॥ समाधि वर्णन दोहा ॥

और हेतु मिलि करि जहां होत सुकर अति
काज । ताहि समाधि बखानहीं भूषण जे कवि-

राज १७५ ॥ उदाहरण सवैया ॥ बैरु कियो शिव

चाहतु हो तब लों अरिबाह्यो कटार कठेठ्यो ।
 ज्योंहि मलेच्छहि छोड़े नहीं सरजामन तापर रो-
 समें पैठ्यो ॥ भूषण क्यों अफजल्ल बचै अटपाउ
 के सिंहको पाउँउमेठ्यो । बीछूके घाय धौंक्यों
 इधरकहै तौ लागि धाय धराधर बैठ्यो १७६ ॥
 समुच्चयवर्णन दोहा ॥ एकवारगी भयो जहँ बहुत
 जानिको बन्ध । ताहि समुच्चय कहत है भूषण
 देखि प्रबन्ध १७७ ॥ उदाहरण सवैया ॥ मांगि
 पठायो शिवा कछुदेशु उजीर अजाननि बोल ग-
 हेना । दौरि लियो सरजा परनालों यों भूषण
 जो दिन दोउ लगैना ॥ धांकसो खाक बिजैपुर
 भो मुख आइगो खान खवासके फेना । भैभर
 की करकी हरकी धरकी उर ये दिलसाहि कि
 सेना १७८ ॥ दोहा ॥ वस्तु अनेकानि को जहां
 बरणात एकहि ठौर । ताहि समुच्चय कहत हैं
 कोऊ कवि शिरमौर १७९ ॥ उदाहरण सवैया ॥
 सुन्दरता गुरुता प्रमुता भनि भूषण होती है आ-
 दर जामें । सज्जनता औ दयालुता दीनता को-
 मलता भलके परजामें ॥ दान कृपानहुको करिबो
 करिबो अभैदानहु को बरजामें । साहिनसों रण
 टेक विवेकहु सो गुण एक शिवा सरजामें १८० ॥

प्रत्यनीकवर्णन दोहा ॥ जहां जोरावर शत्रुके पक्षी

पै करै जोर । प्रत्यनीक तासों कहत भूषण बुद्धि

अमोर १८१ ॥ उदाहरण कवित्त ॥ लीजधरो शिवा

जीसों लरो सब सैयद मीर पठान पठाइकै ।

भूषणवै गढ़कोट तिहारे यहां तुम क्यों भटतोरै

रिसाइकै ॥ हिन्दुनकी पतिसों न बसाति सताबत

हिन्दु गरीबन आइकै । लीजै कलंकन दिल्लीके

बालम आलम आलमगीर कहाइकै १८२ ॥

अर्थापत्तिवर्णन दोहा ॥ वह जीत्यो तौ यह कहा यो

कहनावति होइ । अर्थापत्ति बखानहीं ताहि

सयाने लोइ १८३ ॥ उदाहरण कवित्त ॥ शयनमें

साहिनको सुन्दरी सिखावै ऐसे सरजासों बैर

जनि करौ महाबली है । पेसकसे मेजत बिला-

इति परत काल सुनिकै जिहाजनिहै करनाटथ-

लीहै ॥ भूषण भनत गढ़कोट मालमुलुक दै

शिवासों सलाह राखिये तो बातभलीहै । जाहि

देत दण्ड तुम डरिकै अखण्ड सोई दिल्लीदल

मली तो तिहारी महाबलीहै १८४ ॥ काव्यलिङ्ग

वर्णन दोहा ॥ है छडाइवेजो अरथ ताको करत द-

ढाउ । काव्यलिङ्ग तासों कहत भूषण जे कवि

राउ १८५ ॥ उदाहरण कवित्त ॥ साइनिहै लीजिगे

बिलाइतिको साहकीजै बलक बिलाइतिके बन्दि
 अरडावरे । भूषण भनत कीजै उत्तरी भुवालबश
 पूरबको लीजिये रसाल गजछावरे ॥ दक्षिणके
 नाहसों सिपाह निज बैरु करि अवरंगसाहजू
 कहाइये न बावरे । कैसे शिवा मनुगढ़ देत अव-
 रंगों गढ़ गाढ़ेगढ़ पतीगढ़ लीन्हे और रावरे
 १८६ ॥ अर्थान्तरन्यासवर्णन दोहा ॥ कह्यो अरथ ताही
 लिये वहइ अरथ जहँ होइ । अर्थान्तरन्याससो
 भूषण कहि सब कोइ १८७ ॥ उदाहरण सवैया ॥
 साह तनय सरजा समरथ करी करनी धरनी
 पर नीकी । भूलिगे भोजसे विक्रम से औ भई
 बलि बैन कि कीरति फीकी ॥ भूषण भिक्षुक
 भूपभये भलि भीखलै केवल भौसिलाही की ।
 नेकाकि रीभ धनेश करे लखि ऐसियै रीति सदा
 शिवजीकी १८८ ॥ प्रौढोक्तिवर्णन दोहा ॥ जहँ उत
 करष अहेतुको बरणतहँ करिहेत । प्रौढोक्ति
 तासों कहत भूषण कवि विरदेत १८९ ॥ उदाह-
 रण कवित्त ॥ मानसरवासी हंसबसन समान होत
 चन्दन सों घस्यो घन सारोन घरीकहै । नारद
 की शारद की हाँसी में कहाँसी सम शरद की
 सुरसरो कौन पंडरीकहै ॥ भूषण भनत छक्को

क्षीरधि में वोह लेत फैन लपटानो ऐरावतको
करी कहै । कैलास में ईश ईश शीश रजनीश
यहौ अरुनीश शिवाके न यशको शरीकहै १६० ॥

संभावनावर्णन दोहा ॥ जो यों होइ तौ होइयों यह सं-
भावना होइ । ताहि कहत संभावना भूषण कवि
सब कोइ १६१ ॥ उदाहरण कवित्त ॥ लोमसकी ऐसी
आयुहोइ कौनऊ उषाउ तापर कवच जो करन
वारो धरिये । तापर जो हूजिये सहस बाहु तापर
सहस गुन साहस जो भीमहूँते करिये ॥ भूषण
कहै यों अवरंग जसौ उमराउ नाहक कहौ तौ
जाय दक्षिण में मरिये । चलैना कछु इलाज
भेजियतु वेहीकाजु ऐसी होइ साजु तौ शिवासों
जाइ लरिये १६२ ॥ मिथ्याध्यवसिति वर्णन दोहा ॥ भूठ

अर्थकी सिद्धिको भूठोवरणात आन । मिथ्याध्य-
वसिति ताहिको भूषण कहत सुजान १६३ ॥

उदाहरण दोहा ॥ पगरन में चल यों लसै ज्यों अंगद
पग ऐन । ध्रुव सों ध्रुव सों मेरु सों शिवसरजा
को बैन १६४ ॥ उल्लासवर्णन दोहा ॥ एकहिके गुण

दोषसे औरे के गुण दोष । बरणातहैं उल्लास सो
सकल सुकवि करि तोष १६५ ॥ उदाहरण सबैया ॥

काजमही शिवराज बली हिन्दवान बढाइबे को

उर उटै । भूषण भू निरम्लेच्छ करी चहै म्लेच्छनि
 मारिबे को रण कूटै ॥ हिन्दु बचाइ बचाए रही
 अमरेश चन्दावतलों को उटूटै । चन्द अलोकति
 लोक सुखी यहि कोक अभाग जो शोक न छूटै
 १६६ ॥ दोषेण गुणोयथा कवित्त ॥ देश दह बट्ट कीन्हें
 लूटिकै खजाने लीन्हें बचन गढ़ोइ कछु गढ़ शिर-
 ताज के । तोरादार सकल तिहारे मन सबदार
 डांड़े जिनके सुभाय जगदेवजाजके ॥ भूषण भनत
 पात साहिको यों लोग सब बचन सिखावत सला-
 हकी इलाजके । डावरे की बुद्धि ह्वैकै बावरे न कीजै
 बैरु सवरे के बैरु होत काज शिवराजके १६७ ॥
 गुणेन गुणोयथा दोहा ॥ नृप सभा में आपनी चहत
 बडाई काज । साह तनय शिवराजके करत क-
 वित्त कविराज १६८ ॥ दोषेण दोषोयथा दोहा ॥ शिव
 सरजाके बैरुको यह फल आलमगीर । छूटे
 तेरे गढ़ सबै कूटे गए उजीर १६९ ॥ अवज्ञावर्णन
 दोहा ॥ औरे के गुण दोष ते औरे के गुण दोष ।
 जहां अवज्ञा ताहि सों कहत सुकवि माति
 पोष २०० ॥ उदाहरण सवैया ॥ औरनि के अन
 गाढ़े कहा अरु बाढ़े कहा नहि होत चहा है ।
 औरनि के अनरीभे कहा अरु रीभे कहा न

मिटाय तहाहै ॥ भूषण श्रीशिवराजहि मांगिये
एक महीपर दानि महाहै । मांगन औरनि के
दरवार गए तौ कहा न गये तौ कहाहै २०१ ॥

अनुभावर्णन दोहा ॥ जहां सरस गुण देखिकै करै दोष
को हौस । ताहि अनुज्ञा कहत हैं भूषण कवि
इहिरोस २०२ ॥ उदाहरण कवित्त ॥ जाहिर जहांन

सुनि सुनि दानके बखान महादानि साहतनै
गरीबनिवाज के । भूषण जवाहिर जलूसजर
वाफ जोति देखि शिवसरजाकी सुकबिसमाज

के । तप करि करि कमलापति सों मांगत यों
लोग सब करि मनोरथ ऐसी साजके ॥ बैपारी
जहाज के न राजाभारी राजके भिखारी हमैं कीजै

महाराज शिवराजके २०३ ॥ लेशवर्णन दोहा ॥
जहँ बरणात गुण दोषकै कहे दोष गुणरूप । भू-
षण ताको लेश कहि गावत हैं कविभूष २०४ ॥

उदाहरण दोहा ॥ उदैभान राठ्यौर गौ धीरजु गढ़
धरिऐड । प्रगटै फल ताको लह्यो परिगो सुरपुर
पैड २०५ ॥ कोऊ बचत न सामुहे सरजासों

रणसाजि । भलि कीन्ही पिय समरते जीव लै
आएमाजि २०६ ॥ तद्गुणवर्णन दोहा ॥ जहां आ-
पनोरंग तजि गहै और को रंग । ताको तद्गुण

कहतहैं भूषण बुद्धिउतंग २०७ ॥ उदाहरण कवित्त ॥
 पंपा मानसंर आदि अंगन तलावलागे जिनकी
 परनि में अकथ यूथगथके । भूषण यों साज्यो
 राइगढ़ शिवराज रहै देवचकि ताहिकै बनाइ
 राजपथके ॥ बिनबल अबल ककान आसमान
 में हों लेत शिवराज जहां इन्दु औउडुहथके ।
 महल उतंग मणि ज्योतिनकेसंग आनिकैयो रंग
 चकहा गहत रविरथके २०८ ॥ पूर्व रूपवर्णन दोहा ॥
 प्रथम रूप मिटिजात जहँ फेरि वैसई होत ।
 भूषण पूरवरूप सो कहत ताहि कविगोत २०९ ॥
 उदाहरण सबैया ॥ ब्रह्मके आननते निकसी ते अत्यंत
 पुनीत तिहूं पुर मानी । राम युधिष्ठिर के बर में
 बलमीकहुँ व्यासके संग सुहानी । भूषण यों
 कविके कविराजनि राजनिके गुणपाय निसानी ॥
 पुण्य चरित्र शिवासरजै बरन्हाय पवित्र भई बर
 बानी २१० ॥ यों शिरको बहरावत छार है जाते
 उठै असमान बधूरे । भूषण भूधरऊधर के जिन
 के धुनि धक्कनियों बलरूरे ॥ ते सरजा शिवराज
 दिये कविराजनिको गजराज गरूरे । शूंडनिसों
 पहिले जिन शोखिकै फेरि महामदसों नदपूरे
 २११ ॥ श्रीसरजासल हेरिके युद्धघने उमरावनके

घर घाले । कुम्भ चन्द्रावत सैद पठान कंधानि
 धावत भूधर हाले ॥ भूषणयों शिवराजं कि धाक
 भये पियरे अरुणे रंगवाले । लोहै कटे लपटे
 अति लोहु भये मुँह मीरनके पुनिलाले २१२ ॥
 यों कविभूषण भाषतुहै यकतो पहिले कलिकाल
 कि सैली । तापर हिन्दुनकी सब राह सुऔरँग
 साहकरी अति मैली ॥ साहतनै शिवके डरसों
 तुरको गहि बारि धिकी दिशि पैली । बेदपुराणन
 की चरचा अरचा द्विज देवन की पुनि फैली
 २१३ ॥ अतद्गुणवर्णन दोहा ॥ जहँ संगतिमें और
 को गुण कछु बैनहि लेत । ताहि अतद्गुण
 कहत हैं भूषण सुकवि सुचेत २१४ ॥ उदाहरण
 सबैया ॥ दीनदयाल दुनी प्रति पालक जे करता
 निरम्लेच्छ मही के । भूषण भूधरि उद्धरि-
 बो सुनै और जिते गुनके सब जीके ॥ या कलि
 में अवतार लियो तउतै शिवराज सुभाव बली
 के । आइधर्यो हरितै नररूप पै काज करै सि-
 गारे हरिही के २१५ ॥ दोहा ॥ शिवसरजा की
 जगतमें राजति कीरति नौल । अरि तिय दृग
 अंजन हरे तउ धौलकी धौल २१६ ॥ कवित्त ॥
 साहनन्द सरजाशिवा के सनमुख आइ कोऊ बचि

जाइ न गनीस भुजवल में । भूषण भनत भौसिला
 की दल दौर सुनि धाकही मरत मलेच्छ औरंगके
 दल में ॥ रात्र्यो दिन शोवतिरहति जबनीहै शोमु
 पखोई रहत दिखी आगरेसकल में । कजल कलित
 असुवानिके उमँग संग दूनोहोत रंग जमुनाके
 मिलि जलमें २१७ ॥ मीलितवर्णन दोहा ॥ सदृश वस्तुमें
 मिलि जहां होत न नेकु लखाइ । मीलित तासों
 कहतहैं भूषण जे कबिराइ २१८ ॥ उदाहरण कवित्त ॥
 इन्द्रनिज हेरत फिरत गजइन्द्र अरु इन्द्रको अ-
 नुज हेरै दुग्गाधिनदीशको । भूषण भनत सुरसरि-
 ताको हंसहेरैविधिहेरै हंसको चकोररजनीशको ॥
 साहतनै शिवराज करनी करीहैं तेंजु होत है अचं-
 भौ देव कोटियों लेतीसको । पावत न हेरे तेरे यशमें
 हेराने निज गिरिको गिरीश हेरे गिरिजा गिरीश
 को २१९ ॥ उन्मीलितवर्णन दोहा ॥ सदृश वस्तु में
 मिलैपुनि जानत कौनहु हेत । उन्मीलित तासों
 कहत भूषण सुकवि सुचेत २२० ॥ उदाहरण दोहा ॥
 शिवसरजा तुव सुयश में मिले धौल बवितूल ।
 बोल वासते जानियतु हंसचमेली फूल २२१ ॥
 सामान्यवर्णन दोहा ॥ भिन्नरूप जहँ सदृश में भेदु न
 जान्यो जाइ । ताहि कहत सामान्य हैं भूषण

कवि समुदाइ २२२ ॥ उदाहरण सवैया ॥ पावस की
 इकराति भली न महाबली सिंह शिवांगमकेते ।
 म्लेच्छ हजारनि ही मरिगे दशही मरहट्टनिके
 भूमके ते ॥ भूषण हालि उठे गढ़ भूमि पठान
 कबंधनिके धमकेते । मीरनिके अवसानगए मिलि
 धोपानि सों चपला चमकेते २२३ ॥ विशेषकवर्णन
 दोहा ॥ भिन्नरूप जहँ सदृश में लहिये कछुक बि-
 शेख । ताहि विशेषक कहतहैं भूषण सुमति उ-
 लेख २२४ ॥ उदाहरण कवित्त ॥ अहमदनगर के
 थान किरवान लैकै नव शैरी खान सों खुमान
 भिखो बलतैं । प्यादेन सों प्यादे पखरैतनि सों
 पखरैत बखतरबारे बखतरबारे हलतैं ॥ भूषण
 भनत एते मान घमसान भयो जान्यो ना प-
 रतु कौन आयो कौन दलतैं । सम बेष ताके तहाँ
 सरजा शिवाकेबांके बीर जाने हांके देत मीरजाने
 चलतैं २२५ ॥ पिहित वर्णन दोहा ॥ पर के मन
 की जानि गति ताको देत जनाइ । कछू क्रिया
 करि कहतहैं पिहित ताहि कबिराइ २२६ ॥
 उदाहरण दोहा ॥ गौरि मिसिल ठाढ़े शिवा अन्त-
 र्यामी नाम । प्रगट करी रिस साह को सरजा
 करिन सलाम २२७ ॥ आनि मिल्यो अरि यों गह्यो

चखनि चकता चाउ । साहतनय सरजा शिवा
 दियो मुच्छपर ताउ २२८ ॥ प्रश्नोत्तर वर्णन दोहा ॥
 कोऊ पूछै बात कछु कोऊ उत्तर देत । प्रश्नोत्तर
 तासों कहत भूषण बुद्धि निकेत २२९ ॥ उदाहरण
 सवैया ॥ लोगनिसों भनि भूषण यों कहै खान
 खवास कहा सिख दैहौ । आवत देख निकेत
 शिवासरजा मिलिहौ भिरिहौ कि भगैहौ ॥ आदि
 लकी सभा बोलिउठी यों सलाहकरो व कहौ
 भजिजैहौ । लीन्हो कहा लरिकै अफजल्ल कहा
 लरिकै तुमहूं अब लैहौ २३० ॥ दोहा ॥ को दाता
 को नर बड़ो को जग पालनहार । कबि भूषण
 उत्तर दियो शिव नृप हरि अवतार २३१ ॥
 व्याजोक्ति वर्णन दोहा ॥ आन हेतसों आपनो जहां
 छपावत रूप । व्याजउक्ति तासों कहत भूषण
 सब कबिभूष २३२ ॥ उदाहरण सवैया ॥ साहनके
 उमराव जितेक शिवा सरजा सब लूटिलये हैं ।
 भूषणते बिन दौलति हैकै फकीर है देश विदेश
 गये हैं ॥ लोग कहैं तुम्हें दक्षिणजेइ सिसोदि-
 या सवरे हाल ठये हैं । देत रिसाइके उत्तर यों
 हमहीं दुनियाते उदास भये हैं २३३ ॥ दोहा ॥
 शिवा बैर औरंग बदन लगीरहै नित आहि ।

कवि भूषण बूझै सदा कहै देत दुख साहि २३४ ॥
 लोकोक्ति वा छेकोक्ति वर्णन दोहा ॥ कहनावति जो लोक
 की लोकउक्ति सो जानि । जहाँ कहत उपमान हैं
 छेकउक्ति सो मानि २३५ ॥ लोकोक्ति उदाहरण दोहा ॥
 शिवसरजाकी सुधि करौ भली न कीन्ही पीव ।
 सूबाह्वै दक्षिण चले धरेजात कहँ जीव २३६ ॥
 छेकोक्ति उदाहरण दोहा ॥ जे सुहात शिवराज को वे
 कवित्त रसमूल । जे परमेश्वर को चढ़ैं तेई
 आछे फूल २३७ ॥ वक्रोक्ति वर्णन दोहा ॥ जहँ श्लेष
 कै काकुसों अस्थ लगावै और । वक्रउक्ति तासों
 कहत भूषणकवि शिरमौर २३८ ॥ उदाहरण कवित्त ॥
 साहतनै तेरे बैरु बैरिनको कौतुक सो बूझत
 फिरत कहौ काहेरहे तचिहौ । सरजाके डरहम
 आये इतै भाजि तौ वसिंह सोई यहि याही
 ठौरते उकचिहौ ॥ भूषण भनत वै कहै कै हम
 शिव कहै तुम चतुराई सों कहत बात रचिहौ ।
 शिव जापै रूठो तो निपट कठिनाई तुम बैर
 त्रिपुरारिके त्रिलोकमें न बचिहौ २३९ ॥ दोहा ॥
 कर मुहीम आये कहै हजरति मन सब दैन ।
 शिवसरजासों जंगजुरि ऐहै बचिकै हैन २४० ॥
 स्वभावोक्ति वर्णन दोहा ॥ साँचो त्योहीं बरणिये जैसो

जाति स्वभाव । ताहि स्वभावोक्ति कहैं भूषण जे
 कविराव २४१ ॥ उदाहरण कवित्त ॥ दान समै द्विज
 देखि मेरुह कुबेरहुकी संपति लुटाइबे को लख्यो
 ललकतु है । साहके सपूत शिवसाहिके बदनपर
 शिवकी कथनि में सनेह भलकतु है ॥ भूषण
 जहान हिन्दवानिके उबारिबे को तुरकानि मारिबे
 को बीर बलकतु है । साहिन सों लरिबेकी चरचा
 चलति आनि सरजाके दगानि उछाह बलकतु
 है २४२ ॥ काहू के कहे सुनेते जाही ओर चाहै
 ताही ओर इकटक घरी चारिक चहत हैं । भूषण
 भनत बात कहते कहत खात कहते पियत
 ऊँची सांसनि जहत हैं ॥ पौढ़े हैं तौ पौढ़े बैठे
 बैठे खरे खरे हमको हैं कहां करत यों ज्ञान न
 गहत हैं । साहि के सपूत शिव साहि तेरे बैर ऐसे
 साहि सब रात्यो दिन शोचत रहत हैं २४३ ॥
 भाविक वर्णन दोहा ॥ भयो होनहारो अरथ बरसात
 जहँ परतच्छ । ताको भाविक कहत हैं भूषण
 कवि मति स्वच्छ २४४ ॥ उदाहरण कवित्त ॥ अजौ
 भूतनाथ मुण्डमाल लेत हरषत भूतनि अ-
 हार लेत अजहूँ उछाह है । भूषण भनत अजौ
 काटे कर बालनि के कारे कंजरनि परी काठिन

कराह है ॥ सिंह शिवराज सलहेर के समीप
 ऐसो कीन्हों कतलान दिखी दलको सिपाह है ।
 नदी रणमण्डल रुहेलनि रुधिर अजौ अजौ
 रवि मण्डल रुहेलनि की राह है २४५ ॥ गज
 घटा उमड़ै महाघन घटासी घोर भूतल संकल
 मद जल सों पटतु है । भूषण बढ़त भौसिला
 भुआलकों यों तेज जेतो सब बारहौ तरनि में
 बढ़तु है ॥ बेला छाड़ि उछलत सातो नीर निधि
 मन मुदित महेश नहिं नाचतु लहतु है । शिवा
 जी खुमान दल दौरत जहान पर आनि तुरका-
 निपर प्रलौ प्रगटतु है २४६ ॥ भाविकछवि वर्णन
 दोहा ॥ जहँ दूरस्थित वस्तुको देखत बरणरत
 कोइ । भूषण भूषण राज यह भाविक छवि सो
 होइ २४७ ॥ उदाहरण सवैया ॥ सूबनि साजि प-
 ठावत है निज फौज लखै मरहट्टनि फेरी । औ-
 रंग आपनि दुर्गजमाति बिलोकाति तेरोहि फौज
 दरेरी ॥ साहितनै शिवसाहि भई भनै भूषण
 यों तुव धांक घनेरी । रातिहुँ घोस दिलीशनके
 तुव सेन कि सूरति सूरति घेरी २४८ ॥ उदात्त
 वर्णन दोहा ॥ अति सम्पति बरणत जहां तासों
 नहत उतान । कै आनै गो लगनये तंनि

आन की बात २४६ ॥ उदाहरण कवित्त ॥ द्वारनि
 मतंग दीसै अङ्गनै तुरंगहींसै बन्दीजन धारण
 असीसै यशरत हैं । भूषण बखानै जरवाफ के
 सम्याने ताने भालरिन मोतिनके भुण्ड भुल-
 रतहैं ॥ महाराज शिवा के निवाजे कविराज
 ऐसे साजि कै समाज तिहि ठौर बिहरत हैं ।
 लाल करै प्रात जहां नीलमणि करै राति इहि
 भांति सरजा की चरचा करत हैं २५० ॥
 दोहा ॥ या पूना में मति टिकौ खान बहादुर
 आइ । ह्याई साइस्त खानको दीन्ही शिवा
 सजाइ २५१ ॥ अत्युक्ति वर्णन दोहा ॥ जहां शूरता-
 दिकन की अति अधिकाई होइ । ताहि कहत
 अत्युक्ति हैं भूषण जे कवि लोइ ॥ २५२ ॥
 उदाहरण कवित्त ॥ साहतनै शिवराज ऐसे दैत
 गजराज जिन्है पाइ होत कविराज बेफिकिरि हैं ।
 भूमति भलभलाति भूले जरवाफिनकी ज-
 करे जंजीर जोर करत किरिरि हैं ॥ भूषण भँवर
 भननात घननात घंट पग भननात मनो घन
 रहे धिरि हैं । जिनकी गरज सुनि दिग्गज
 बेआब होत मदहीके आब गरगाप हाते गिरि
 हैं २५३ ॥ आज ग्रहि समै महाराज शिवा

तुहीं जगदेव जनक ययाति अंबरीकसों । भूषण भनत तेरेदान जलनिधिमहँ गुनिनको दारिद गयो बहि खरीकसों ॥ चन्द्रकर किंजलक चांदनी पराग उडु बृन्द मकरन्द बुन्द पुंजको सरीकसों । कुंदसम कयलास नाक गंगनाल तेरे यश पुण्डरीकको अकाश चंचरीकसों २५४ ॥ दोहा ॥ महाराज शिवराज के जेते सहजस्वभाइ । औरनिको अति उक्तिसे भूषण कहत बनाइ २५५ ॥ निरुक्तिवर्णन दोहा ॥ नामनिको निज बुद्धिसों कहिये बात बनाइ । तासों कहत निरुक्तिहैं भूषण जे कविराइ २५६ ॥ उदाहरण दोहा ॥ कविगणको दारिद दुरद याही दल्यो अमान । याते श्रीशिवराजको सरजा कहत जहान २५७ ॥ हेतुवर्णन दोहा ॥ या निमित्त यहई भयो यों जहँ वर्णन होइ । भूषणहेतु बखानहीं सकल सयाने लोइ २५८ ॥ उदाहरण कवित्त ॥ दारुण सुदैत्य हिरनाकुश विदारबेको भयो नरसिंहरूप तेजु बिकरार है । भूषण भनत त्योंही रावणके मारिबेको समचंद्र भयो रघुकुल सरदार है ॥ कंसके कुटिलबल बंशनि विदारिबेको भयो यदुराइ बसुदेवको कुमार है । पृथ्वी परूहत साहि के सपत

शिवराज म्लेच्छनि के मारिबेको तेरो अवतार
 है २५६ ॥ अनुमानवर्णन दोहा ॥ जहां काजते हेतुकै
 जहां हेतुते काज । जानिपरत अनुमानसों कहि
 भूषण कविराज २६० ॥ उदाहरण कवित्त ॥ चित्त
 अनचैन आंसू उमगत नैन देखि बीबी कहै
 बैन मियां कहियतु काहिनै । भूषण भनत बूभे
 आये दरबार ते कैपत बारबार क्यों सँभारत
 न नाहिनै ॥ सीनो धक धकतु प्रसीनो आयो
 देह सब हीनोभयो रूप न चितौत वामे दाहिनै ।
 शिवाजूकी शंकमान गयेहो सुखाइ तुम्हें जानि-
 यतु दक्षिण को सूबाकस्यो साहिनै २६१ ॥

छेकऔरलाटानुप्रासवर्णन दोहा ॥ स्वर समेत अक्षर
 कि पद आवत सदृश प्रकास । भिन्न अभि-
 न्ननि पदनि को छेकलाटानुप्रास २६२ ॥

छेकका उदाहरण छप्पै ॥ दिल्लिय दलनि गँजाइ करि
 शिवसरजा निरशंक । लूटिलियो सूरति शहर
 बंककरि अति डंक ॥ बंककरि अतिडंककरिअस
 शंककुलिखल । सोचि अकित भरोचि अलिय
 विमोचि अखजल ॥ तट्टइ मन कट्टइ सोइ
 रट्टइल्लिय । सददिशि दिशि मददविभइ रददि-
 ल्लिय २६३ ॥ गतबलखान दलेलह बखान

ब्रह्मादुर मुद्ध । शिवसरजा सलहेरि ढिग क्रुद्धद्वरि
 कियजुद्ध ॥ क्रुद्धद्वरि कियजुद्धद्वरि अरिअद्ध-
 द्वरिकरि । मुण्डड्डुरि तहँ रुण्डड्डुकरत डुण्डड्डुग
 मरि ॥ खेदिहर वर छेदिद्वयकरि मेदद्वधि दल ।
 जंगगति सुनिरंगगालि अवरंगगगत बल
 २६४ ॥ मुण्डकटत कहँ रुण्डनटत कहँ शुण्ड
 पटतघन । गिद्धलसत कहँ सिद्धहँसत सुखविद्ध
 रसतमन ॥ भूतफिरत करिबूत भिस्त सुरदूत
 धिरत तहँ । चंडि नचति गनमंडि रचति धुनि
 डरिड मचति जहँ ॥ इमि ठानि घोर घमसान
 अति भूषण ते जु कियो अदल । शिवराज साहि
 सुवरखग बलदलि अडोल बहलोलदल २६५ ॥
 तथा कवित्त ॥ बेहर बगर बाघ बांदर बिलार बिग
 बगरे बराह जानवरनिके जोम हैं । भूषण भनत
 भारे भालुक भयानक है भीतर भवमभरे लील-
 गऊ लोमहें ॥ पैडायल गजगन गेंडा गरगत
 गन गोहनि में गोहनि गरुरगहे गोम हैं ॥ शि-
 वाजी की धांकमिले खलकुल खाकबसे खलनके
 खेरनि खबीसनके खोम हैं २६६ ॥ लाटाजुप्रोसका
 कवित्त ॥ सुरमती तहँ खाने तीतुर गुसल
 खीने प्रकंग गिद्धकानि

हुरमखाने सिंह हैं शूतरखाने पीलखाने पाडी है
करंजखाने कीश हैं ॥ भूषण शिवाजी गाजी
खम्मसों खपाये खलखाने खलानि के खेरेभये
खीश हैं । खडजी खजाने खरगोश खिलवतखाने
खीसें खोलै खसखाने खांसत खबीश हैं २६७ ॥

तथा दोहा ॥ औरनिके याँचे कहा नहिं याँच्यो शिव-
राज । औरनिके याँचे कहा जो याँच्यो शिव-
राज २६८ ॥ जमकवर्णन दोहा ॥ भिन्न अर्थ फिरि

फिरि जहां वेई अक्षर बृन्द । आवतहैं सो जमक
कहिवरणत बुद्धि बिलन्द २६९ ॥ उदाहरण कवित्त ॥

पूनावारी सुनिकै अमीरनिकी गतिलई भाजिवे
का मीरनि समीरनिकी गतिहै । माख्यो जुरि जंग

यशवन्त यशवन्त जाके संगकेता रजपूत रज-
पूतपतिहै ॥ भूषण भनै यों कुलि भूषण सिवैला

शिवराज तोहिं दीनी शिवराज बरकतिहै । नौहू
खण्ड दीप भूप भूतलके दीप आजु समैके दिलीप

दिलीपतिको सीदतिहै २७० ॥ पुनरुक्तवदाभासवर्णन
दोहा ॥ भासतही पुनरुक्तसों नहिं निदान पुनरुक्त ।

पुनरुक्त वदाभाससो भूषण वर्णत युक्त २७१ ॥
उदाहरण कवित्त ॥ अरिन के दलसैनसंगर में समुहा-

ने ठक ठक मन्त्र नै तारे सममान हैं । २७२

बार पुरो महानद परवाह पुरो बढ़त है हाथिन
 के मदजलदान में ॥ भूषण भनत महाबाहु भौ-
 सिला भुवाल सूररवि समतेजु तीखन कृपान
 में । भाल मकरन्द कुलचन्द कलानिधि तेरो
 सरजा शिवाजी जसु जगत जहान में २७२ ॥
 कामधेनु चित्रवर्णन दोहा ॥ लखे सुने अचरज बढ़े
 रचना होइ बिचित्र । कामधेनु आदिक घने
 भूषण वरणत चित्र २७३ ॥ उदाहरण सवैया ॥
 ध्रुव जो गुरुता तिनको सुरभूषण दानि बड़ो
 मिरिजा पिव है । हुवसो हरितारिन को तरु
 भूषणदानि बड़ो सरजा शिवहै ॥ भुवको भरता
 दिनको नर भूषण दानि बड़ो वरजा शिव है ।
 तुव जो करता इनको अरु भूषण दानि बड़ो
 वरजा निव है २७४ ॥ संकर वर्णन दोहा ॥ भूषण
 एक कवित्त में भूषण होत अनेक । संकर तासों
 कहत हैं जिन्हें कवित्त की टेक २७५ ॥ उदाहरण
 कवित्त ॥ ऐसे वाजिराज देत महाराज शिवराज
 भूषण जे बाजकी समाजै निदरत है । पौनपाइ
 हीन हग घूघट में लीन मीनजल में बिलीनक्यों
 बराबरी करत है ॥ सबते चलाक चित्त तेऊ
 नालिआलम के रहै उरअन्तर ते थीर न धरत

है । जिनचढ़ि आगे को चलाय तुरी तीर तीर
एक भरि तेऊ तीर पीछही परत है २७६ ॥

अथ सूचीवर्णन दोहा ॥ उपमा अनन्वय कीह बहुरि

उपमा प्रतीप प्रतीप । वर्णतसा उपमेयोपमा

मालोपमा कवि दीप १ ललितोपमा रूपक व-

हुरि परिनाम पुनि उल्लेख । स्मृति भ्रांति अरु

संदेह कह अपह्नुति शुभवेख २ हेतुपह्नुति

बहुरि पर्जस्त पह्नुति मानि । भ्रांत पूर्व अपह्नु-

त्यो छेका अपह्नुति जानि ३ कैतवापह्नुति

मनो उत्प्रेक्षा सुवखानि । रूपकातिशयोक्तिभेद-

कातिशयोक्ति वखानि ४ अक्रमातिशयोक्ति

चंचलातिशयोक्ति सुलेख ५ अत्यंतप्रतिशयोक्ति

पुनि पढ़िये सामान्य विशेष ६ तुल्यजोगदीप-

का वृत्तदीप प्रतिबस्तु मादृष्टांत ७ सुनि दर्शना

व्यतिरेक पनि सह उक्ति बरनतसंत ८ विनोक्ति

बहु समासोक्ति सुपरि करौ अहवंस ९ परिकरां-

कुरत्यो श्लेष अप्रस्तुत परसंस १० परजा उकति

गनाइये व्याजस्तुति आक्षेप । विरोध विरोधा-

भास है विभावना सुख खेप ११ विशेषोक्ति अ-

संभवो बहुख्यो असंगति लेखि १२ विषम सम-

सुविचित्र प्रहरषन विषाद उमेरि १३

अन्योन्य विशेषव्याघात परस्परचारु । गुंफ
 एकावली मालादीपक वर्णत सारु १० ॥
 यथासंख्य बखानिये पर्जाय पुनिपरिवृत्ति । परि
 संख्य कहत बिकल्पहैं जिनके सुमति संपत्ति
 ११ बहुख्यो समाधि समुच्चयों अरु प्रत्यनीक
 बखानि । कहत अर्थापत्ति कविजन काव्यलिंग
 सुजानि १२ अरु अर्थ अंतर न्यास भूषण
 प्रौढ़ उक्ति गनाइ । संभावना मिथ्याध्यवसिति
 पुनि उलासहिगाइ १३ अवज्ञा अनुज्ञालेस
 तन्दुन पूर्वरूप उरेखि । बहुख्यो अतन्दुन अन-
 गुनौ भीलित उन्मीलित लेखि १४ सामान्यरु
 विशेष पिहितो प्रश्न उत्तर जानि । पुनि व्याज
 उक्तिरुलोक उक्तिरु छेक उक्ति बखानि १५
 बक्र उक्ति स्वभाव उक्ति सुभाविकौ निरधारि ।
 भाविक छवि अरु उदात अत्युक्ति बहुरि वि-
 चारि १६ बरने निरुक्तिरु हेतु अनुमानौ छेक
 अनुप्रास । भूषण भनत पुनि जमकगानि पुन
 रुक्मवद आभास १७ चित्र सङ्कर एकसै भूषण
 कहे अरु पांच । सुनतही ग्रन्थनि मतै जिन्हें
 सुकवि मानै सांच १८ ॥ ग्रन्थरचनाकाल वर्णन दोहा ॥
 समसत्रह सैंतीसपर शुचि बदि तेरस भान ।

संवत् (१७३०) भूषण शिवभूषण कियो पढ़ियो
 सूनौ सुजान १ उपसंहार कविच ॥ एक प्रभुताको
 धाम सजे तीनों वेद काम रहैं पंचानन षडानन
 राजी सर्वदा । सातौ बार आठौ याम याचक
 निवाजे नौ औतार थिर राजै कृपान त्यां हरि
 गदा ॥ शिवराजभूषण अटलरहै तौलों जौलों
 त्रिदश भुवन सब गंग और नर्मदा । साहि तनै
 साहसीक भौसिला सूरजवंशदाशरथिराज तौलों
 सरजा थिर सदा १ ॥

इति शिवराजभूषणभूषणकविकृत सम्पूर्णम् ॥

बोहा ॥ परमानन्द अनन्द मन रहत सदा
 दिन रैन । भूषण काव्य प्रकाशकियरसिकनको
 सुखदैन १ सम्बत उन्निस पचासमें पूसशुक्लरवि
 वार । सातै शुभदिन शुद्धकर ग्रंथ भयो तइयार २
 सकल सुकबिविनती सुनहु कहत दोउ कर जोर ।
 काव्यरीतिजानतनहीं लघुमतिमति अतिमोर ३
 यथा उचित यह शुद्धकिय अपनीमति अनुसार ।
 भूलचूक जो होय कछु कविजनलेहि सुधार ४ ॥

आपका कृपाभिलषी ग्रन्थसंग्रहकर्ता

परमानन्द वल्द बंगालीलाल सुहाने

जबलपूर, मध्यप्रदेश